



859

GUILLELMI VERHEIDEN  
IN  
**CLASSEM**  
**XERXIS HISPANI**  
ORATIO.

AD  
SERENISSIMAM ELISABETHAM  
ANGLIÆ REGINAM.



HAGÆ-COMITIS,  
Ex officinâ Alberti Henrici.  
clō. lō. xcviii.



GOVERNMENT PRINTING OFFICE

CLASSICAL

AND HISTORICAL

ORATIO

REPRESENTATIVE OF THE  
ANGLO-SAXON

Ex officio Albertus  
de la Roche

SERENISSIMAE

AVGVSTISSIMAEQVE

HEROINAE

ELISABETHAE,

ANGLIÆ, FRANCIAE,

HIBERNIÆ REGINÆ, &c.

PERPETVAM FELICITATEM.



VARIETAS rerum humanarum magna in multis, major in Dynastis, maxima in Tyrannis apparet. quos ut á primo suâ quidem opinione perbeatos, sic ad extremum ipsa re calamitosos esse cernas. Vt enim Divinum jus pariter atque Humanum post Libidinem suam habere, summum Imperium summam Felicitatem ducere cœperunt; facile per fas atque nefas consequuntur eam, in qua Beatitatem stultè ponunt, Potentiam. Innocentiam enim, quæ malarum insciens artium Æquitate disceptare, non iudice Marte consuevit, excipit frequenter incautam instructa dolis viribúque Audacia. Postea veró quám exsultare Improbis, Virtus affligi cœpit, Deus immortalis, quem nulla nec astutia ludat, nec lædat violentia, calamitatem bonorum felicitate, felicitatem Tyrannorum calamitate compensat. Quamobrem magna me, atque adeo spes maxima tenet brevi erectam videndi, quæ nimis afflictæ jacet, Libertatem. Ille profectó, qui totum adhuc Terrarum Orbem terravit armis, ad lapsum (utinam ruat) capite

A 2

pite



pire jam toto propendet. Nam, hoc Navali Terrore sublato, ne rem unam esse actam putemus, Tria secunda nobis, adversa illi acciderunt. quandoquidem & Periculum, quod imminabat, repulsum; & formidolosa aliquantum imminuta Potentia; &, quod ego maximum esse duco, patefacta est omnibus DOMINANDI CVPIDO. hinc quanta sit consecutura Mutatio, ego non dico; vident Prudentes; ipse, qui propinquat, Dies docebit. Cujus igitur Victoriæ res ipsa cum tibi, Deo simul & Virtute tuâ adjuvante, gloriola est, tum omnibus etiam bonis, maximèque Belgis salutaris futura; Illius Recordationem ad te (majora, cum matura jam ætas adoleverit, daturus) homo Belga mitto. Quod si qui Rem levem hanc eaque re ingratam tibi fore putant, desinant illi Magnanimitatem tuam angustiam suam metiri. scio ego abjectos sordidosque mortales præstantiam doni solere, Principes autem, id est, homines altâ mente præditos Animi magnitudinem intueri. Nam quod me vehementius in Hispanum multa dixisse dicent (a quo tamen Prudentes & amantes Patriæ viros longè afuturos planè confido) hæc velim in pectus suum demittant: Primùm; Belgam esse me, quicum ea fœdera non pepigit Hispanus, ut quod Veritas ipsa clamat, loqui non liceret: Deinde, eum Belgam, qui tum primùm in hanc sum lucem ingressus, cum Albani furor in Patriam crudelissimè sæviret. ex quo, si placet, intelligant, Odium crudele Tyranni animo meo à teneris jam tum unguiculis impressum: Tum eum etiam Belgam, qui non hortatu aliorum incitatus, sed naturam meam paratus, non juvenili temeritate prolapsus, sed ipsam Ratione adductus, Mentem meam, Linguam, Dextram, totum denique me devovi

PATRIÆ



PATRIÆ LIBERTATI. pro qua, tantum abest ut calum-  
niæ ignavorum, quos didici contemnere, me disistere vi-  
ctum ab incepto cogant, ne quidem ipsam subire mor-  
tem horrebo: illud mei Doctoris in pectore versaturus,

VNA *salus Victis*, NULLAM *sperare salutem.*

Lugd. Batavorum, ipsis Kal. Ianuar.

clō. 10. LXXXIX.

BELG. *Libertati, & Majestati Tuae*

DEVOTVS

*Guillelmus Verheyden*  
*Graviensis, Belga,*

In Argonautarum Regem,  
**PHILIPPVM HISPANVM**  
**AVREAM BRITANNIÆ**

PERISCELIDEM RAPE-  
RE VOLENTEM.

*Abstulerat VELLVS cur non Hispanus Iason,  
Quod Bullâ, Voto, Numine Papa de lit?  
Flammivomum primum fuerat superare DRACONEM.  
Servabat uigilans Ostia, Regna DRACO.*

**IN PLENIPOTENTISSIMVM**  
**PATREM PONTIFICEM EIVSQUE NA-**  
**TVM POTENTISSIMVM PHILIPPVM,**

**XERXEM HISPANVM,**  
**FAVCES MARIS BRITANNICI**  
**PROPTER ITIVM PORTVM ARMATA**  
**CLASSE suffocantem, Anno clō. Io. LXXXIIX.**

**AD BRITANNOS NEGANTES**  
**PONTIFICEM.**

*En Papa NATVS mare jungit pontibus: ipsum  
PATREM non vultis credere PONTIFICEM?*

IN DV-



In Ducem Medinæ Sidoniæ, Nauarchum,  
PARMENSEM ORNITHARCHVM  
MARI FRVSTRA EXSPECTANTEM.

PRO ITALO AVCVPE.

**F**LVCTIBVS in mediis solus, Nauarche, maneto:  
*His Auceps agris Italus ille manet.*  
Nauarchus Domino capis, Ornitharchus eidem:  
*Cassibus hic Terrâ, Classibus ipse Mari.*  
Iure igitur, Nauarche, fugit maria Ornitharchus.  
*Aucupii locus est non Mare, Terra locus.*

---

In submersam Holcada Medicorum pestife-  
ram CLASSEM sequentium.

AD INFLATOS ET PERDITE  
SVPERBOS HISPANOS.

*Hispanos tumidos Hydrops cur sustulit? Ipsos,*  
*Non mirum est, Hydrops sustulerat Medicos.*

---

In Preces submissi Hispani, ceteroqui audacissimi, cûm  
Fluctibus maris Hibernici obrueretur.

AD HISPANOS SE NVMQVAM VICTOS IACTANTES.

Martial. de Leandro.

*Clamabat tumidis audax Hispanus in undis,*  
*Mergite me Fluctus, cûm rediturus ero.*

---

Transcripta ex Iberonauticis Apollonii Belgici.

GVILEL-



In Institutum Medicinarum Nomenclaturam  
PARAMESEM ORNITHARCHIVUM  
HABITUS EXISTIT EXISTET ANTE

PRO TALO DAVOVR

WOT IZVZ IZVZ IZVZ IZVZ IZVZ  
IZVZ IZVZ IZVZ IZVZ IZVZ  
IZVZ IZVZ IZVZ IZVZ IZVZ  
IZVZ IZVZ IZVZ IZVZ IZVZ  
IZVZ IZVZ IZVZ IZVZ IZVZ  
IZVZ IZVZ IZVZ IZVZ IZVZ

In Institutum Medicinarum Nomenclaturam  
HABITUS EXISTIT EXISTET ANTE

AD INFLATOS ET PERDITE

INFLATOS ET PERDITE

INFLATOS ET PERDITE  
INFLATOS ET PERDITE

INFLATOS ET PERDITE  
INFLATOS ET PERDITE

INFLATOS ET PERDITE  
INFLATOS ET PERDITE

INFLATOS ET PERDITE

INFLATOS ET PERDITE  
INFLATOS ET PERDITE

INFLATOS ET PERDITE  
INFLATOS ET PERDITE


INFLATOS ET PERDITE

GUILLELMI VERHEIDEN

in Classcm

# XERXIS HISPANI

## ORATIO.

 I Deus immortalis fecisset, ut, quantó veheméntius impii nefariiue hostes aras atque focos, vitam fortunásq. nostras oppugnant, tantó diligentius boni fortésque viri propugnarent; concideret improborum conatus, staret ruta & inviolata Libertas. nulla enim calamitas, nulla clades esse tanta posset, quam non aut salutare prudénsque consilium prohiberet, aut præstans animi magnitudo profligaret. Verúm nescio quo Reip. fato evenire dicā, cū in maximum Patria periculum & in extremum sit adducta discrimen, ut paucissimi ad hanc veluti perniciosissimam intestini belli flammam, quā possint, ope reprimendam concurrant: quam, si quidem se suosque salvos esse vellent, non armis modó viribúsq. restinguendam, verúm suis etiam corporibus obruendam putarent. Etsi enim, quod natura ratioque præscribit, quod necessitas ipsa cogit, non omnes peræquē succumbenti Patriæ subvenirent, tamen pro sua quisque virili laborare, non timiditatem aliorum morari deberet. Quid enim aliud liberatores illi nostri defensoresque fecerunt? qui, etsi parum fuerant ab iis, a quibus debuerant, adjuti, tamen, non quid efficere ipsi possent, sed, quid salus Reip. postularet, cogitarunt. Vt mihi qui lem hi divini inter mortales viri non tantúm nobis profuisse videantur, quód furibundos HISPANI conatus represterunt, verúm etiam, quód juventuti præclarissima Patriæ

B                      defen-



defendendæ exempla tradiderunt. virtutis enim fructum  
Reipublicæ, hereditatem gloriæ suis, at exemplum facti  
cunctis reliquerunt. Numquam ne talium virorum ima-  
go vel ignavissimum quemque ad Libertatē capeſſendam  
commovebit? nisi fortè aut vilem ipſorum ſpiritum, quod  
eſt ingrati, aut potiore tuum, quod arrogantis vel de-  
mentis, eſſe arbitraris. Ego proſectò (pariat animus, quod  
jamdiu parturit) ut Patriæ meas, quas debeo, partes per-  
ſolvam, hanc animam, hoc corpus, hunc ſpiritum, quem  
natura ſibi arrogat, tibi dono, tibi dedico, tibi divoveo,  
O Belgarum ſancta LIBERTA S. Hoc ego adſtrictus ſa-  
cramento excubabo ſemper & vigilabo: nihil, quod ad ſa-  
lutem Patriæ pertinere & licere mihi arbitror, præter-  
mittam. Si labor ſuſcipiendus; ſuſcipiam: ſi moleſtia ſu-  
beunda; ſubibo: ſi quod periculum, ſi qua dimicatio fu-  
tura eſt, non modò non refugiam, verumetiã ſacramenti  
mei conſcientiã erectus appetam atque depoſcam. Quem-  
admodum igitur antea ſponte meã & naturã paratus, cùm  
maximè furor arderet Hiſpani, cùm ventis, velis, remis  
incitata Classis aduolaret, tum VII. Kal. Aug. quo judica-  
tus eſt Hoſtis Belgarum PHILIPPVS Diem Patriæ ſalu-  
tarem, gratum bonis viris, mihi verò jucundū laudatione  
in memoriam revocavi: ornavi conſtantiam; abjeci ſo-  
cordiam: potentiam Hiſpani videri magis, quàm eſſe per-  
timeſcendam probavi: Sic idem ego nunc jurejurando  
confirmatus, Deum immortalem Patriãque teſtatus  
de pernicio atque Terrore univerſi terrarū Orbis exſtincto  
oratione triumphabo. Nam quæ res umquam accidit vel  
accidere potuit aut Britannis Belgis que optabilior, aut ex-  
teris nationibus vtilior, aut acerbior Hiſpanis, aut commē-  
danda.



danda magis memoriæ posteritatis sempiternæ. Prius ille ipse Oceanus, qui naufragos illos absorpsit, dissipavit, eiecit, Britanniam atque Belgicam, prius ipsam inundabit Hispaniam, quàm justissimum illius pestiferæ Classis interitum ulla vel oblivio delebit, vel obscurabit vetustas. quàm enim diu aut nostrum, aut illorum nomen exstabit, tamdiu & victoriæ nostræ manebit, & calamitatis illorum recordatio. Itaque hanc ego victoriam eó libentiùs alacriùsque commemorabo, quód nihil accommodatius, sive ad tristitiã calamitosorum consolandam, sive ad tarditatem otiosorum incitandam, esse videatur. Quod enim majus ad minuendũ dolorẽ solatium, si tam celerẽ tantæ Classis interitum, quod acrius ad defensionẽ sui suorumque incitamentum, si Cupiditatẽ dominandi expendas? Quamobrem & ambitiosissimum Hispani conatum, & supplicium ejusdem multó gravissimum dicendo persequemur. partim ut vobis, Principes Christianæ Reip. atque Dynastæ, quod hætenus ratio non persuasit, res ipsa, quæ valet plurimũ, ostendat, Vos esse illos, quibus infidias, quibus arma, quibus Servitutem minitatus fuit & minitatur Hispanus. Etenim documentum vos capere voluit ipsa fortuna, quos in posterum amicos sperare, quos inimicos timere, quales ipsi vos præstare debeatis. quod nisi hodierno die videtis, nisi tela machinásque in muros vestros fabricatas retunditis, actum est de salute vestra, actum de Rep. actum de Libertate. partim uti vos, Belgæ, quos per diu adversa belli fortuna divexavit, cùm incertos eventus variũque Martem videtis, tum & imbecilles, imperatore Deo repugnante, Tyrannorũ vires contemnatis, & patrios spiritus animosque Belgarum, id est, fortissimorum



morum virorum nomine dignos recipiatis. CVM enim gravissimarum a condito Mundo Historiarum auctoritas, tum etiam certissimus omnium magister rerum Eventus RARO Tyrannum ultra viginti, raro Tyrannidem ultra centum annos progressam fuisse testantur. quandoquidē Deus immortalis, cujus in potestate ipsa rerum vicissitudo consistit, nihil gravius, quā potentes illos Gigantes superbosque detestatur. Cur enim montes frequenter altissimos fulmine deturbari? cur turres editissimas violentiā ventorum prosterni? cur robustissimos per sæpe exercitus perexiguā militum vi profligari videmus? Quoniam summus ille cælorū terrarūq. gubernator deicere excelsos, extollere submissos, potentes infirmare, infirmos adjuvare contendit, dum neminem omnino, nisi unum se suspiciendum, se admirandum, se colendum esse arbitratur. Quod si ita est, quis non intelligit durissimas pœnas, atrocissimos consceleratissimo cuique Tyranno cruciatus imminere? Quis enim adeo detestabilis homo, quæ bellua, quod denique monstrum fuit umquam inventum tam perniciosum generi humano tamque infestum, quā Libertati, quā virtuti, quā, prò scelus indignum! Divine Majestati TYRANNVS? Quem enim ego Tyrannum appello? Illum, qui libidine ardens, furore præceps Legum potestatem, sanctitatem judiciorum, Senatus auctoritatem, Divini cultus religionem, innocentiam subditorum, morē majorum, denique nefariē Divina & Humana jura proculcat dummodo per vim perque nefas illum, quem Ambitione occæcatus sibi finxit, invadat teneatque Principatum. In quo sit sanē felix (siquidē ulla esse potest in scelere felicitas, nam meā sententiā, nisi qui justē agat, felix esse



esse nemo potest) verumtamen sit ab breve exiguumque  
tempus fortunatus: at, ne Libertate fruar, nisi se tandē ali-  
quādo aut natum fuisse, aut in scelere fortunatum existisse  
deploret. Aut enim Deus omnino nullus est, quod vel sus-  
picari nefas, qui inferiora hæc & mortalia curat, aut atro-  
citatē maleficiorum gravitate pœnarum compensat. Nam  
si quando supplicium differtur diutius, quā aut impro-  
bitas Tyranni videtur, aut innocentia bonorum postulare,  
nihil est, quod magnopere mirari possimus. **CONSEVIT**  
enim Deus immortalis, quō gravius homines ex commu-  
tatione rerum dolerent, quos pro scelere ipsorum punire  
decrevit, his secundas interdum res & diuturniorē impu-  
nitatem concedere. Quare multa viri prudentes audierint,  
multa meminerint, multa legerint, at neminem omnino  
Tyrannum quamvis felicissimum vel ad extremam per-  
venisse senectutem, vel sine luctu vixisse, vel ullum tulisse  
scelus impune dicent. Repete Dionysios Phalaridēsque Si-  
culos; repete Alexandros Pheræos, Aristodemos Cuma-  
nos: recense Tarquinius Superbos, Caligulas, Neronēs;  
recense Domitianos, detestabiles Iulianos, Scythāsque  
Tammerlanos. denique antiquitate vetustissimos, magni-  
tudine imperii potentissimos, pravitate nequissimos recense  
Tyrannos: Quid? non ne ad unum omnes ab ipso Deo  
puniri, a Senatu damnati, a civibus expulsi, a satellitibus,  
ab amicis, a filiis interfecti, conscientia scelerum (quo tor-  
mento quod possit esse majus) exanimati graviores, quā  
optare quis posset, pœnas dederunt? Et in hunc præstan-  
tissimorum scilicet Heroum numerum, nisi furorē tuum  
crudelissimis consiliis incitatū cohibeas, nomen, Philip-  
pe, tuum relatum esse brevi audiemus. Omnes enim mor-



tales, qui & te, & tuos, & tuorum facta cognoverunt, ni-  
miùm hercule diu isto te honore atque mercede defrau-  
dari queruntur. Testes sunt Sicilia, utraque Hispania. testes  
Insubria, Campania, quas Regiones tu more majorum vi-  
ventes & Libertatē patriam indignè projicere, & servile ju-  
gum perinvitas recipere vi armisque coëgisti. testis est ve-  
tus India; & illa, quæ malo suo inventa fato sæpius sangui-  
ne civium suorum, quàm aquâ redundavit. testis est Bel-  
gica, quæ gravissimo defatigata bello per viginti jã annos  
vix punctum temporis respiravit. testis est Lusitania, quæ  
miserum in modum decepta se non tantùm Rege suo abs  
te, verùm etiam Libertate spoliata esse clamat. testis est  
Gallia, quæ Guisiorũ tuorum furore exhausta atque vastata  
miseriã calamitatẽque suam tibi refert acceptam. testis  
est Polonia, quę jam altero ab hinc anno comparatas sibi  
consilio operaque tuã insidias fortissimè felicissimèque  
oppressit. Testis est novissimè Britannia, quam Divina be-  
nevolentia salvam incolumẽque a vastitate & incendio  
conservavit. Testis est Orbis ipse terrarum; omnes Natio-  
nes, quæ quidẽ, aliæ clãm, aliæ palãm & apertè, sed omnes  
unã mente pœnas abs te miserix suæ dolorisq. reposcunt.  
O te miserum, si hæc sentis! miseriorem, si ignoras quàm  
miser sis, quàm calamitosus! Erras, Philippe; erras. non te  
Deus adhuc a supplicio factis illis tuis dignissimo servavit,  
verùm ad pœnas graviores te & cruciamenta reservavit:  
neque te ad Principatũ evehendum, verùm, quantò altiùs  
ascendisti, tantò graviùs affligendum putavit. Nam si qua  
signa, Belgæ, Divinæ voluntatis ullo umquam tempore  
apparuerunt, illa profectò omnia hac tempestate ita fue-  
runt manifesta, ut & illi debitũ exitium, & pristina nobis  
Libertas



Libertas appropinquet. Quid enim? An præsentia Divini numinis umquam clariùs perspecta fuit & patefacta mortalibus; quàm cùm vasta CLASSIS illa, quæ non modò viros, arma, thesauros, verùm etiam Deos omnes Deasque vehens exscidium perniciemque Orbis allatura videbatur, non ab homine, sed ad ipso Deo, non armis, sed ventis, non viribus humanis, sed ipsis disjecta fluctibus periret? Et certè si inveteratù Hispani odium consideras, irâ totus flagrabat; si potentiam, accipienda Servitus erat, aut indigna subeunda mors; si confidentiam, exploratam habebat victoriam; vicerat. quid quæris? triumphabat. Quamobrè non modò vos, quorù calamitati gravissima Hispani clades est consolationi futura, verùm etiâ vos oro, Principes, quorum industriâ atque virtutē improbißimus debet exitare conatus, quem ad modum tam dirum tetrùmque exitium repulsum rejectumque sit, diligenter attendatis. ut igitur causßam hujus tantæ audaciæ, vel potiùs occasionē videamus (causßa enim omnium malorum in Hispano est Ambitio) sic in primis moderabor orationi meæ, nihil ut dicturus sim, nisi quod ita notum sit atque testatum, ut silentio præteriri non possit. nec enim meum esse puto, Magnorum consilia Principum ullo pacto indagare. Si autè ea, quæ stomachum Philippo movere potuerunt, re & veritate expendas, nulla sunt: sin ipsius iudicio metiaris, sexcenta. Nam qui nullâ laceßitus injuriâ, ne verbo quidem violatus florentes persæpe populos Libertate, fortunis evertit, hunc belli causßam, vel potiùs causßas suâ quidem sententiâ gravissimas occasionemque adeptum quo tandè conflagrasse odio putamus? ut enim omittam tranquillitatem, pacem; ut omittam felicissimum Britanniaë statum  
sum.



summamque Libertatē, quibus est omnibus naturā inimicus, Non hæc illum caussa concitavit? Regina vicinos sibi Belgas, (quibus patriam eripere Libertatem, alienā injungere Servitutē præter jus atque fas, præter Leges Regionis, præter morem majorum instituebat Albanus,) non continuo terrā marique bello persequendos esse judicavit. malē factum. Quamquam in eo tantūm aberat, ut te vel minimā ex parte offenderet, meliūs, quā ipse tu, & utilitati, & dignitati tuæ consulebat. videbat enim, & verē videbat, nisi dementiā Hispanorum aliquantūm compressā, Belgas æquitate ductos, necessitate tractos fidē auxiliūmq. potentioris Dynastæ adversus immaritatem Albani imploratos: &, hoc si facerent, omnem tibi spem ad pristinam auctoritatem adspirandi præreptā esse & præclusam videbat. Itaque numquā Belgas scelere tuorum vehementer afflictos, vehementiūs affligendos putavit. neque enim eam ob caussam in tanto imperii fastigio erat collocata, ut miseros egentēsq. Belgas, qui crudelissimo Albani mucrone non cecidissent, fugientes trucidaret. Sed, ne quam societatem cum externo Principe coirent, Ne peregrino Principatum deferrent, Ne te, qui te ipsum per summam injuriā omni jure spoliaras, repudiarent: quoties tibi concordiae, pacis, compositionis auctor fuerit, ipse Tu, si quā habes mentem, recordaris. Sed non hæc illum ratio adegit? Nefarios latrones illos, qui facti ab Hispano per paucis antē annis, Romano Iove bene adjuvante, conturbare Hiberniam conabantur, Regina sive expulit, sive emisit, sive Regni finibus exire jussit. magnum facinus. Quasi verō qui Libertatem suam non traderet, ac non is, qui alienam nefariē cuperet, vim injuriāque inferret. verumtamen est illa



illa omnium natura improborum, ut ab iis se, quibus facere non potuerunt, injuriam accepisse dicant. Non hoc facinus ipsum commovit? Regina Belgarum precibus, & antiquissimâ societate, & conjunctione arctissimâ adducta, partim ad barbariam ab humanissima gente repellendam, partim ad Regni sui incolumitatem, quæ devictis Belgis esse nulla posset, conservandam, prostratam indignâ sorte vicinorum Remp. spe erigere, ope suâ adjuvare decrevit. At quorum vicinorum? eorum, qui tot jam annos omnes belli tempestates subierunt; Albanos represserunt; devicerunt Austriacos; sustinuerunt Alexandros, omnes Hispanos: atque adeo Dominum Hispaniarum ipsum hostem Reip. inimicum Libertatis unâ & mente & voce judicarunt Philippum. magnum Reginae & grave crimen. Quid si non tantum bonis illis heroicisque temporibus, verum hac etiam tempestate prudentissimis Principibus est usitata consuetudo, ut finitimis potentioris alicujus violentiâ pressis, quacunque possint ratione, succurrant: id enim verentur viri prudentes, qui publicam tueri Libertatem, antiquissimam sibi curam esse ducunt, Ne vicino devicto, victore hoste, convalescente potentia, aut eandem belli fortunam experiri, aut iniquam tolerare conditionem cogantur. Itaque hanc defendendi rationem non solum Athenienses, sed etiam ii, quorum & togata prudentia laudatur, & armata fortitudo, Lacedæmonii sanctissimè coluerunt: hanc Itali Principes, quorum in primis in Republ. gerenda probatur industria, fœdere sanxerunt; hanc Reges omnes atque Dynastæ, quibus & pax cordi fuit, & curæ Libertas, tenuerunt. hanc igitur rationem si Christianæ Reip. Principes (quod mehercule non fecerunt) si a principio

C



capio securi fuissent, illos, Philippe, mihi crede, tu, non te illi timerent: Potentiam tuam ipsorum iustitia, non libido tua terminaret. Verum excitat te, quantum conjecturâ augurari possum, C. CÆSARIS factum illius, Qui cum Bel-lo Gallico Belgis subministrata a Britannis auxilia intellexisset, infestis derepente signis trajecit, Insulâ invasit; direptam miseré atque afflictam ad arbitrium suum pænetotam revocavit. Præclarum facinus, ut pleraque omnia Romanorû: quos non vis, non injuria hostium, non pax, non societas violata, sed Ambitio, sed Avaritia, sed immoderata regnandi Cupido ad arma stimulet. hic igitur te, ut opinor, Cæsar majori cupiditate dominandi incensum, eandem occasionem, eosdémque hostes nactum ad simile factum provocavit. Sed quid hæc ego? Quasi veró non S. LIGA, non Religio Romana, non venerandus Pontifex ille tuus isto te dicto, quo Cuncta tibi Hæreticorum Regna, donavit, satis adversus inimicam Romanæ Servituti Britanniam armaret. Quamquam ego quidem interpretari non queo, utrum magis, ut accerrimus Christianæ Religionis hostis, Regionem sibi adversam delere, an, ut Petri Piscatoris imitator, propter abundantem illius Insulæ piscationem recuperare contendat. Verum tamen, quid quid id est, tu peccare, Philippe, non potes, qui divinam venerandi Pontificis sententiam, vel potius (putabit enim se derideri a me quod nunc iterum dico venerandi) scelerram execrandi Væjovis libidinem tam religiosè tam constanter exsequaris. Quamquam, si verum quærere velimus, hunc tu Pontificem non secus, atque X E R X E S arborem, ut ajunt, Platanum, omnibus perornare rebus & tueri conaris. sed hoc inter te atque illum interest: Ille suam



suam amore infano correptus adamabat; tu Platanum il-  
 lam tuam amare te simulas: ille quidem nullâ ratione; tu  
 maximâ causâ adductus: ille, ut illius aspectu insaniam suam  
 oblectaret; tu, ut ipsius umbrâ iniquitatem superbiâque  
 regas tuam. Nisi verò tantum semper laboris pertuleris,  
 tantum sudoris profuderis, tantum periculi adieris, ut Ro-  
 manam Religionem promoueres, ac non potius ut violen-  
 tiam & rapacitatem tuam piæ voluntatis velo, religiosi  
 ardoris fumo obumbrares. Quamobrem adeste Princi-  
 pes Orbis terrarum; erigite mentes aurēsque vestras: ego  
 causas omnium, quæ vobis ab Hispano omnibus iniusta  
 sunt, malorum indicabo: Non studium Romanæ Super-  
 stitionis, non odium Religionis Christianæ, non bene-  
 volentia Pontificis ad cædes, ad incendia, ad rapinas con-  
 citavit, verum, ut LIBERTATI, ut Naturæ, ut Humani-  
 tati pestiferum & capitale bellum denunciares, ut vasta-  
 tione Regiones, depopulatione urbes, internecione ho-  
 mines, BRITANNIAM funestâ excindere Classe tentares,  
 tua, Philippe, tua te Ambitio, tuus Furor, tua Avaritia mo-  
 vit, incendit, inflammavit. Nunc ut plenis aliquando velis  
 ad CLASSEM ipsam feratur oratio. Quod robur! quanta  
 vis! qualis Terror ille fuit! ut ne quidem ipse sol, qui lustrare  
 cuncta & illustrare solet, quidquam firmitus, quidquā ma-  
 jus, quidquam terribilius vidisse videatur. Multum Athe-  
 nienſes, multum Rhodios, plurimum Carthaginienſes,  
 plurimum Romanos maritimis valuisse rebus scimus: at  
 ex omnium seculorum memoria nullos tam ab omni ap-  
 paratu Navali paratos fuisse instructosque comperimus. Ita  
 & vera magis minusque obscura, nec tantum admirationis in  
 posterum est habitura antiquitas. Nam & illa, quæ pro-



pter difficultatem nobis fidem non fecerunt, non ficta, sed  
facta, & quæ propter insolentiam miraculorum nomen  
obtinuerunt, non esse tam mirabilia, quàm habita fuisse  
comparebunt tum; cùm memoriam temporum nostro-  
rum cum superiorum recordatione seculorum confere-  
mus. Numerosas antiqui classes & bellicosas habuerunt: tam  
firmas adversus ventorum undarumq. contumeliam, tam  
armatas contra vires impetusque hostiles, tam ad confi-  
ctum & victoriam paratas nullo pacto habuerunt. Quan-  
doquidem illæ classes, quas mirabiles magis vetustas quàm  
veritas fecit, plerumque ad unum aliquem maris sinum  
obtinendum, hæc ad universum perdomandũ Oceanum,  
illæ ad unam aut summum alteram conflictionem, hæc  
ad omne bellum, illæ contra singularem certumque ho-  
stem, hæc adversus Principes Christiani Orbis univer-  
sos, illæ usitatâ, nec ita gravi armaturâ, hæc inusitato armo-  
rum apparatu, illæ denique, ut vinci possent, hæc erat, ut  
superari non posset, comparata. Prætermitto omnia fuisse  
plena instrumentorum, velorum, remorum, plena sparo-  
rum, bombardarum, pilorum, hastarum, tormentorum  
ad evertendam Britanniam paratorum: Navium ipsarum,  
tamquam scopulorum rupiumque marinarum, quàm in-  
credibilis illa fuit, quàm immensa magnitudo! Miseret me  
undarum illarum, quæ tanto tamque intolerando onere  
ingemuerunt: miseret ipsorum, qui tam insuetam molem  
tam laboriosè protulerunt, ventorum. Ajunt Iasonẽ cum  
delecta Heroum manu ad rapiendum auratum Colcho-  
rum Arietem conscendisse, sic Hispanum ad abripiendam  
Britanniæ Periscelidẽ solvisse dicerem, nisi tanta Navium  
illarum amplitudo fuisset, quasi non auream modò Peri-  
scelidem,



scclidem, sed ipsam auferre Britannia, tanta altitudo, quasi  
 Calum, ut Gigantes olim, expugnare, in eoque Papam  
 Deosque illos, quos Classe secum vehebat, collocare ten-  
 tasset. Et cum Deorum mentione facio, quod pæne delap-  
 sum erat de memoria, commodum recordor nullam navim  
 fuisse non uni alicui separatim Deo consecratam. Qui qui-  
 dem Dii etsi innumerabiles fuerunt (quod enim, non di-  
 co sacrarium, sed Lararium in Hispania fuit non ad hanc  
 translatum Classem?) unus tamen S. Bartholomæus, qui pri-  
 mas inter omnes sanè facile tenebat, lanionum, ut ajunt,  
 præses, tacitus relinqui nullo modo potest. hic fœdo  
 aspectu, ore nigro, horrido incultoque capillo (Maurum aut  
 Hispanum esse diceret) dextram cultrum tenens lanionium,  
 veste fulgens sanguinea prætoriarum navis puppim servabat.  
 Hujus aram armati Duces tetigerunt, cum pateras sangui-  
 ne plenas humano tenerent; cum cæso homine Christiano,  
 non, ut veteres olim, porco, societatem cædis firmarent.  
 Hunc eundem (nam & opem ipsius in Laniena Parisien-  
 si maximam erant experti) ad hanc Britannorum carnifici-  
 nam fautorem sibi voluerunt & patronum habere. Et hæc  
 ficta putatis? Quid quod nulla fuit tam abjecta, tam fumo-  
 sa imago, cui non vota pro felici reditu fecerunt? Sed hæc  
 pietas ipsorum fuit. Quid ego jam labores, quos plurimos  
 maximosque exantlarunt, commemorem? non-ne tres an-  
 nos ipsos & amplius hunc Terrorem tanto studio atque  
 conatu machinati fuerunt, ut non tantum Hispania tota,  
 verum etiam omnes, quæ modo operam navare aliquam  
 potuerunt, Regiones unam laborarent? non-ne Indiam utram-  
 que ab omni metallo copiosissimam ad ingentem auri vim  
 conficiendam peragrarunt? non-ne Lusitaniam, aliquam ex



parte Itāliam, Orientem, Occidentem, Meridiem navium  
robore spoliarunt? certē omnes, sive onerarias Holcadas,  
sive prędatorias Galeassas appelles, nomina vel a mercato-  
rum avaritia, vel prędonum rapacitate traxerunt. non-ne  
cunctis Ditionis suę populis aliquid, aliis frumentum, aliis  
tormenta, nullis nihil imperarunt? O sumtus illos: O labo-  
res omnibus jam tum bonis formidolosos, sed uni tibi, tibi  
uni, Philippe, jucundos. Te quāntū curarum laborūmq.  
gravitas deterrebat, tantū illa, quę molestiarū fructum,  
periculorum exitum, principiū Regni sperabat, hortabatur  
dominandi Cupido. Nam, ut viros jam ipsos, in quibus vel  
maximum totius rei firmamentū fuit, videamus, non ro-  
bustissimos remiges, non laboriosos nautas, non peritissi-  
mos gubernatores, sed eos modō in memoriā revocabo,  
qui ita naturā facti & imbuti, ita consuetudine docti & in-  
stituti erant, ut omnes inter se de palma crudelitatis certare  
summo jure potuissent. Numquis latrones armatissimos?  
numquis veteranos? numquis omnes ad unum Hispanos,  
id est, ad opprimendā Libertatem, delendam Remp. ex-  
stinguendam bonorum salutem natos, factos & conflatos  
ignorat? Miramur exercitum Austriaci illum, & jure mira-  
mur, qui classē Turcarum potentissimā divicerit; victo-  
riam tam omnium sermone celebratā reportarit: at si rectē  
ratiocinari & rē ipsam caussis, non eventu ponderare veli-  
mus, nihil est, quōd copias illius fortunā belli magis quā  
virtute laudatas cum hoc invictissimo latronum exercitu  
cōparandas putemus. Illi plerique tyrones, imperiti, multi  
imbelles, hi veterani, fortes (si quis in scelere fortis) exerci-  
tati, illi magnam omnino partem Itali atque Germani, hi,  
quod caput est omnium, Hispani fuerunt. at quales Deus  
immor-



immortalis, qui inusitatâ feritate, crudelitate inaudita omnem barbariâ vicerunt! Illi, illi erant, qui Lusitaniâ, utramque Indiam, utramque Hispaniam, qui Campaniam & Insubriam civili sanguine cruentarunt: illi, qui nullo umquâ tempore ullum ullo in loco vestigium sine furtis, sine rapinis impresserunt: illi, qui quo pacto Regiones devastare, urbes inflammare, discruciare cives, spoliare fortunas possent, sexcenta jam antè exépla ediderunt. illi denique, qui, omni ætate armis transactâ, veluti rudem præmiûmq. laborum accepturi suorum ad extremum hoc facinus e disjunctissimis Mundi plagis convolarunt. Nam quid ego de morum animorûmq. immanitate dicam eorum, quorum etiam nomina (tam intolerabilia sunt, tam dura, tã barbara) aures hominum mentesq. percellunt? Quis enim magnos Barbarorû Donnos Alfonsos, Doëgos, Allonsos, Francescos, Maurescos, Ladrones maritimosque Prædrones, Quis illustres Goth-Alanos Moncadas, Valascos, Gevaras, Norhonnas, Arellanos, aliosque, nescio quos, Maurorum filios, Quis, quorum nomina pestem perniciemq. sonant, execratos Maldonados, perditos Mendosas, inflatos Ventosas, difficiles importunosq. Orgas, Quis omnes ab omni humanitatis sensu abalienatos non perhorrescat Astorgas! Romani veteres illi perantiqui Gallos Senones, ob invisam corporum & animorû feritatē, ad vastitatem Italiæ excidiumq. imperii Romani natos existimabant: & hanc hominum turbâ effrenatissimorû, quos natura ambitiosos, præda avaros, periculû audaces, fortuna crudeles, consuetudo robustos effecit, ad exitium interitumq. Christianę Libertatis concurrisse dubitamus? Quid si ne quidē ipsi dubitarunt, quin, primo quoque tempore, novâ armorum fa-

cic



cie perterritos, fractos bello Belgas, Britannos veró similiter atque ignavas sine robore, sine animo pecudes ferro trucidarent? Non-ne hæc una mens omnium, hæc una vox de Britannis fuit, Proficisci se contra hostem inscientem armorum, insuetum laboris, otio, mollitia, voluptate effeminatum, qui non modó vim & impressionem ipsorum, sed ne vultum quidem adspectúmque sustineret? Quid multa? in tantá Britannia contemtionẽ venerat Hispanis, ut victoriam inter se quasi partam gratularentur; ut antesignani principatus sibi, præfecturas, magistratus definirent; ut ceteri prædones inter se domos optimas, hortos, bona fortunásque omnium dispertirent: ut omnes, non quâ ratione consequi, sed quo pacto frui victoria possent, cogitarent. Nisi veró si delicatos illos & illustres barbaræ Nobilitatis nepotes, qui numquam in solem pulverémq. progressi sic in umbra & deliciis delituerant, ut vel soli inter Mauros populares suos conspicerentur pallentes, ad pugná potius atque bellum, quám ad pompá & ludum profectos esse arbitraris. Declarant id (scilicet) summâ arte elaboratæ & pretiosæ vestes; declarant illæ gazæ, quis maiores ipsorum secum curvis ex India carinis avexerunt; declarant plurimorum comitatus famulorum, ornata & copiosa suppellex: nimirum omnia, quæ non ad dimicationẽ, sed ostentationem, non ad solatium calamitatis, sed desiderium voluptatis, non ad certamen victoriæ, sed triumphum Britannia accommodata fuerunt, ornamenta declarant. Quid illud? quam non habet confidentiam? Effusissimi heluones, qui hereditatem suam turpissimé conturbant, ex Hispania, ex Italia, ex Gallia in Advaticos Morinósque, tamquam ab pastum mendicitatis suæ, confluebant. Qui, cùm Bri-  
tan-



tanniam animo jam expugnatam haberent, nihilque ege-  
stati suæ defuturum putarent, ita magnificè ob ora homi-  
num incedebant, ut fastum illorum atque superbiâ ipsius  
Principis modestiâ permolesté ferret. Hic Morinorum vi-  
cem, qui hæc intueri quotidie & perferre debuerunt, quis  
non meritó doleret, nisi ii essent, qui rerum novarum sem-  
per studiosi barbarorum insolentiam tolerare prius duxe-  
runt, quàm fortissimorum & prudentissimorum virorum  
obtemperare virtuti? Sed ad rem. Ergo cùm illi tantâ vo-  
luptate jam tum fruebantur, spe Regionis illius, quam, non  
dico, necdum invaserant, sed ne viderant, ne quidem um-  
quam antehac cogitarant; quanto gaudio te, Philippe, qui  
commoditatem illius & opulentiâ perspectam habebas, ad  
quem unum omnis victoriæ fructus redundabat, quantâ,  
inquam, lætitiâ te exultasse dicemus, cùm Classem illam  
tuam tanto temporis spatio, tot laboribus tantóque sumtu  
perfectam, Deorum omnium atque Dearum numine, aris  
atque focus, sanctissimis PAPÆ votis procuratam, exercitu  
Hispanorum veterano, remis, velis instructam, summâ spe,  
maximis animis & secundissimo vento inflatam, ad aureâ  
BRITANNIÆ Periscelidem non jam ire, sed volare oculis  
tuis videres, Cùm armorum violentiâ tuorum confidens  
non tantopere victoriâ, quàm in manibus sitam non vir-  
tus hostium, sed mora temporis differebat, quantopere  
triumphum de Britannia Belgicâque devicta desiderares?  
Et veró, ut aliquam lætitiæ suæ & confidentiæ causam ha-  
buissè videatur: tolle prolixam propensâmq. erga nos Di-  
vini numinis benevolentiam: videbis certé Remp. in sum-  
mo fuisse periculo constitutam. ecquando? Tum, cùm  
omnia nobis adversa, infesta, illi optata & secunda fortuna

D

plenâ



plenâ manû dedisset: tum, cûm Principes alii vario timore  
 perculsi; alii perniciosâ securitate ferè sepulti, ne altissimâ  
 quidè miserrimâmq. afflictæ Libertatis vocem audirent:  
 tum, cûm præter morè otiosâ Germaniâ, face Guisianâ in-  
 censâ Galliâ, quietâ partim metu, partim spe Italiâ, tû, cûm  
 indutiis pacatâ Asiâ, planè sedatâ Africâ abuteretur Hispanus:  
 tum, cûm faventè sibi Cæsarem, addictum Pontificè,  
 Guisios, Sabaudos, Bavaros aliòsq. raptos ad nutum arbi-  
 triumq. suum paratos haberet Hispanus: tum, cûm perpe-  
 tuâ belli calamitate, dissensione, falsâ spe pacis debilitatos  
 Belgas; non satis ad tantû tamq. repentinum terrorè expe-  
 ditos Britannos teneret Hispanus: tû, cûm subitò (quæ res  
 improvidas hominum mentes vehementiùs percutiebat)  
 illa ipsa Classis Itium portû advolaret, id est, claustra maris  
 Britannici obsideret, vel potiùs fauces Regionis ipsas suffo-  
 caret. tum denique, cûm ferocissimus magnitudinè rerum  
 gestarû Parmensis exercitus ille, qui victus numquâ effu-  
 git, semper victor, ut illi glorientur, evasit, signû unâ cum  
 Hispanis invadendi Britannia expectaret: qui quidè exer-  
 citus, si (quod & Mattiacorum & Batavorum pristina in re  
 Navali virtus impedièbat) se ad Classem adjunxisset, quasi  
 sexaginta milia hominû (ô vires invictas!) coacta fuissent  
 valentium. Ne tum quidè erat, quòd & Resp. impendentè  
 sibi cladè timeret, & maximâ victoriè spem præ se ferret  
 Philippus? Si C. Cæsar semel atque iterû, ex eodè Itio portu  
 transmissione facta, asperrimâ jam tum belli studio Insulâ  
 felicissimè, ut ille ferè omnia, devieit; quid erat causæ, cûm  
 illius factû imitaretur Philippus, cur non ejusdè sibi fatiur  
 speraret? Ac videte quantum inter Romanû illum & hunc  
 Hispanû intersit: Ille cûm paucis navibus, nec ita firmis; cû  
 militum



militum manu mediocri, contra fortes viros, voluptatis,  
mortis contemptores, Hic cum valdissima Classe, cum du-  
plici veteranorū exercitu, in molles, uti in animum indu-  
cebat suum, & ignavos ire contendebat. Verū O cogita-  
tiones inanes! O spes fallaces! O irritos Tyrannorum cona-  
tus! Victi sunt ii, qui victoriā pro certo habebant: vicerunt  
ii, qui difficillimum horrebant exitum belli. Victi sunt ii,  
quibus nihil deerat ad vincendū: vicerunt ii, quibus erant  
omnia, præter spem & virtutē, ademta. Victi sunt ii, quos  
cuncti victores, vicerunt ii, quos nulli non victos credide-  
runt. Hancine fortunæ varietatem tibi, qui toties victor,  
ubi te oppressum oportuit, evasisti, eventurum putasti?  
Numquam tibi in mentē venit, Nusquam minūs, quā in  
Bello principiis eventa respondere; Ancipitē esse variūmq.  
Martem, qui sæpe jam exultantem ab afflicto, victorem a  
victo, spoliante ab abjecto propulsarit: numquā a principio  
facinoris tui considerare potuisti, Nulli æquē iratum esse  
Deum, atque illi, qui in summo felicitatis gradu collocatus  
servare Potentiæ modum nequiret: nisi fortē, quod te Deus  
hactenus non punivit, eō violentiæ tuæ favere cogitasti.  
falsa tua te & nefaria persuasio fefellit, decepit, elusit. Iacet  
consilium, jacet conatus; jacet illa, quā Mare, Terram, Cæ-  
lūmq; terrebas, CLASSIS. Hæc quæris quis fecerit?  
DEVS. Quare per eundem Deum Opt. Max. præsidem  
Patriæ nostræ, auctorem hujus Victoriæ, ut laudem om-  
nem Divinæ ipsius potentiæ & benignitati adscribamus,  
quem ad modum res illa tam præclara, tam gloriosa per-  
fecta sit, videre. Excellens profectō virtus perspecta fuit  
conatusque Britannorum non mediocris, cum acerrimus  
aurei Velleris custos Britannus ille Draco ejusmodi pro-  
pter



pter Itium portum flammæ evomeret, quarum fumum  
ardorémque novâ spectaculi formâ territi non perferrent  
Argonautæ. Nec enim Draconem ceterósque custodes,  
quos voluptate delinitos dormire putabant, imparatos se-  
gnésque offenderunt, cûm & Tiphym ipsum viderent de  
clavo dejectum Moncadam; & immanem Polyphemum  
in vincula ruentem Prædonē Valdesium; & Herculem for-  
tissimum jam subsidentē in ignoto & errantem mari Pi-  
mentellum. Magna hæc virtus Britannorū; & multo ma-  
ior, quàm infelicissimi mortales sibi persuaserant. verum  
alia tamē, alia vis illa fuit & planē Divina, quæ vires tantas,  
tam citò, tantumque robur contrivit. Attollite mentes ve-  
stras, revocate in memoriā, quàm in illius execratæ Classis  
interitum ipsa inter se (qui motus, nisi Numinis impulsu,  
fieri nullo modo potest) consenserint elementa. Non &  
ipse aër illo tempore, quo lenior esse salubriorque solet, su-  
bitò præter morem præterque naturam gravior fuit & pe-  
stilentior? Quam ob causam? ut miserrimi prædones, qui  
perniciem nobis & pestē machinabantur, ipsi pestilentia  
summòque cruciatu obirent. Non Auster idem ille, quem  
summis semper votis experierant, tantisper a primo tem-  
peratus dum illos advexisset, ad extremum ita constans ve-  
hementisq. fuit, ut nō secus, ac in acie collocatus, non statio-  
nē locumq. desereret, & tantâ vires omnes, quantâ maxi-  
mâ posset, contentione proflaret? Quē ad finem? ut Argo-  
nautas in altū proveheret; provectos. reditu intercluderet;  
interclusos ad Septemtrionē usque, unde numquā redituri  
essent, dissiparet. Non ipse Oceanus, qui merces omnes  
atque onera ferre referre consuevit, nunc quasi importunā  
indignatus audaciam, tantos continenter fluctus volvebat,  
ut ipsæ



ut ipsæ illæ Naves, quæ frangi non posse videbantur, aut illi-  
 sæ ad scopulos, aut obrutæ undis perirent? Quâ de causâ?  
 Ne, si quam ad terram appulissent, egentes prædones nau-  
 fragia instaurarent. O spectaculû non modò hominibus,  
 verum etiam litoribus ipsis atque undis jucundû, Vastato-  
 res raptorésque Orbis sub frigido & ignoto perustis sole  
 Mauris Aquilone, scopulos inter & rupes, in horrenti va-  
 stóque mari aut fluctibus immersos, aut asperimis affixos  
 saxi, aut præ merore squallidos & exanimatos videre. Quo-  
 ties Venerèi nepotes illi, qui deliciarum causâ Classẽ  
 consecuti erant, stultitiã miseriamque suam deplorarunt!  
 quoties exercitati gladiatores se ut ignavos, ut timidos ob-  
 jurgarunt, qui, cûm in Indiã aliisque in locis potuissent, de-  
 pugnare dubitarint! quoties ductores ipsi & ambiciosissi-  
 mum conatum, & stupidissimos Deos. Deasque suas, & po-  
 tissimû Depulsores tempestatis Christophorum dete-  
 stari fuerunt! Nam quæ mens illorum fuit? qui sensus? quæ  
 cogitatio cûm omnes thesauros, omnia. ventosæ Barbariæ  
 insignia, omnes Asiaticas Indicásque gazas funditus interi-  
 re, Cûm Deos penates ipsos, patronos defensorésque. Classis.  
 (erant enim. de ligno facti leviores) in summo mari natare,  
 Cûm & ipsum archipiratam, cujus antea spiritus animósque.  
 vix universa Classis capiebat, abjectû, fluctu marino luctû-  
 que tabescentem, paucissimis, ut olim X E R X E S, comitatû  
 navigiis redicionem in Hispaniam moliri viderent? O ven-  
 tos felicissimos, qui disruptos dirutósque naufragos divexa-  
 runt: O beatissimas undas, quæ disiectos animamque efflan-  
 tes absorpserunt: O fortunatissimû solẽ illum, qui, quo-  
 tiescunque prospexit, novos quotidie aut in undas proje-  
 ctos, aut in litus ejectos conspexit Hispanos. Sed quorsum

D 3,

hæc



hæc ego? uti omnes mortales te, DEV S, tanti tamq. gloriosi facinoris auctorem esse fateantur. te laudent; nomen tuum extollant. Tu enim, tu primùm terrorem hunc illis amentiamq. injecisti, ut remis illis atque velis, quæ ad victoriam præparata erant, turpissimæ se fugę mandarent: tu deinde ventis fluctibusque commotis, ut neque victoriam gloriosam, neque mortem honestam, neque fugam ignominiosam haberent, fecisti. Quamobrẽ Gaudemus crudelissimos Hispani conatus retardatos? Deus retardavit: Latrones illos, qui sanguinẽ haurire nostrum summẽ cupierunt, repressos? Deus repressit: Gaudemus nos, parentes, liberos, conjuges servitute, morte, cruciatu liberatos? Deus liberavit. ille (ut uno spiritu concludam, ne rem tantam, quantã nemo cogitatione consequetur umquã, oratione videar voluisse complecti) hoc exitium, hanc infestã funestamq. Classẽ fugã incitatam, morbo debilitatam, agitatam procellis, jactatã Oceano profligavit, fregit, dissipavit. O facinus immortalitate dignum: O laudem uni, uni, inquam, Deo tribuendam: O gloriosam felicitatem illorum, quibus hanc de HISPANO victoriã Deus & sua virtus donavit. Te, ELISABETHA, cùm antea beatissimã optimus quisq. prædicabat, quę florentissimam post hominũ memoriã Regionẽ per tot pericula, per tot procellas Æoli Romani atque tẽpestates senili prudẽtiã, virili animo, Heroicã constantiã ad Dei Opt. Max. gloriã, ad subditorũ salutẽ, ad dignitatẽ tuã gubernasti, Tũ veró hoc tẽpore cuncti mortales, hostes etiã ipsi in unã te ora sua oculosq. convertunt; Te suspiciunt; Te dignã à Deo immortalis judicatã esse dicunt, quę formidolosissimũ Orbis-terrę hostẽ abjectũ ad pedes pene tuos & prostratum videres. Et certẽ si virtus, si labor,  
si peri-



si periculum præmia merentur; eccui Deus Victoriæ tam  
præclare possessionē concessisset, si tibi, quæ minas Hispani  
insidiâsq. Romani constantissimè contemnitis, non conce-  
ssisset? Quoties enim istud sanctissimū caput tollere vene-  
no, quoties circumvenire præditione, quoties opprimere  
armis tētarunt, toties virtus, toties prudentia, toties fata, tua  
superarunt. Quare cū virtutes laudēsque tuas posteritas  
admiratura fuisset, tum etiam nunc æternitas ipsa obstu-  
pescet fortunam audiens legēsque tuam, Quæ prima de  
tot tantarūque gentium victore dignissimum letissimo  
superūque hominūque plausu peregisti triumphum.  
At tu, Philippe, quousque tandem abutere potentia tua?  
quamdiu nos iste tuus furor terreat? quem ad finem offre-  
nata tua regnabit audacia? Si te simillimorum tui suppli-  
cia non flexerunt, ne tempus hoc quidem ipsum, ne tua  
te fortuna flectet? ubi, ubi est tua CLASSIS? ubi sumtus? ubi  
labor? ubi viri? ubi arma? ubi Duces? Submersi. Et tu non  
Cælum, non Mare, non Ventum, non rerum Naturam,  
non Deum tibi & esse, & futurum inimicum sentis? Ve-  
niet tempus, & illucescet aliquando dies ille, Cū gravio-  
res, quā dediti, sive vivus inter mortales, sive mortuus  
ad inferos, sive apud utrosque potius poenas expendes?  
quid dico? expendes? quid si facies Ambitionis, Quid si  
morsus Avaritiæ, Quid si stimuli Improbitatis tua te for-  
diunt, te lacerant, te cruciant quotidie? Desiste ferrum  
flammamque minitari, desiste bonis mortem, liberis Ser-  
vitutē intentare. & cū omnes infelicissimos suos Ty-  
rannos, Tum verò tibi gravissimum impenderet exitium  
recordare. Nunc tibi florentissimam terrarum BRITANNIAM  
(et si nihil mali perimulisses, dum ELISABETHAM tam  
quam



quam Palladium quoddam, quo salvo, salva permanebis, custodires. est enim illa diva hoc procreata fato, ut, ubicunque nata foret, ibi pax esset, ibi Libertas futura) eam potissimum ob causam gratulabor, Quod te Reginae auspicii antea tutam, nunc hanc extinctâ peste multo tutiore conspiciam. confirmavit enim animos civium tuorum Terror ille, non debilitavit. Quid enim ego de hac tanta concordia, quantam ferè numquam meminimus, de hoc tanto consensu dicam? Omnes idem defendunt, idem volunt, idem sentiunt, Tueri Patriam, defendere Libertatem, vindicare Salutem. Ita hominum animos consociavit imminuentis periculi magnitudo. Te, BELGICA, quam ad hunc usque diem summa Ordinum cōstantia, quam magnanimi Principis Aurantii (quod ego firmamentū Reip. ornamentum dignitatis cum honore nomino, nominare sine dolore non possum) divina virtus salvâ incolumemque conservavit, Te turbulentissimis belli fluctibus miserè vexatam exorta hæc ab Occasu procella oppressisset. Itaque te felicem esse beatamque existimo, quæ portū salutis & Libertatis tuæ hoc turbine, hac tēpestare tenere potuisti. Ad extremum vos, Liberæ ORBIS CHRISTIANI Regiones atque Resp. quarum felicitas omnis ad extremum redacta discrimen summo periculo liberata est, etiam atque etiam fortunatas esse duco. Nam quæ cura, quæ vigilantia erat eorū, qui salutem propugnare vestram debebant? hærebant omnia aut securitate neglecta, aut timore interrupta. Et cum e tantis erepta angustiis salus vestra sit, ea vota, quæ nuncupare soletis pro incolumitate, Conservatori Deo non persolveris? Nequeo commemorare, quantum gaudium, quantaque lætitia fuerit eorum, qui Christianorum nomine con-

ne con-



ne continentur, Tum, cū Iohannes Austriacus nothus ille, Belgis ob perfidiam insignem non ignotus, Turcarum classem classe devicisset: verū id tamen intellexi, tantam per universam Europam pervasisse lætitiā, uti nemo Christianorum numero haberetur, qui nō palām & apertē studium gaudiūque suum ostentaret. Etenim quis, nisi deterimus quisque, non gauderet, cū hostes Christianæ Libertatis repulsos esse rejectōsque audiret? At quis paullo modō prudentior id tempus plangore potiūs transigendū fuisse, quā plausu ignorat, Si modō Hispani ortum nostrum interitum, illius victoriā cladem nostrā, illius incrementum potentiæ nostræ Libertatis detrimentum fuisse intelligat? Quid ergo? Victos Christianos, Turcas victores volumus? Nihil minūs. sed Hispani Potentiā hāc victoriā corroboratā dolemus. Quid ita? Quia vehementiūs nobis Philippus, quā vel ipsa Turca metuendus. Cur? Quia propior hostis est, quia infensior, quia perniciosior, quia astutior quia Christiani nomen præ se ferens ad fallendum nocendūque paratior. Quare tu (universam appello EVROPAM) quæ Servitutis dedecus, tormenta mortis non virtute tua, sed felici Britannorum Belgarūque sorte, effugisti, Si quando frustra & malo tuo gaudium agitaſti, cū Hispanum tectiorem illum quidem, sed infensioſiorem tibi, quā Turcis, hostem Navalem reportasse victoriā audires, Ecquā tandem Deo gratiam referes, ecquā lætitiā exsultabis, cū eundem Hispanum Libertatis tuæ insidiatorem in foveam incidisse, Cū machinas omnes in perniciem fabricatas tuas in auctorem ipsum cernas & caput sceleris redundasse?

E

NUNC



**N** V N C veró vos, Principes Orbis Christiani, qui pro  
ea Potestate, quæ commissæ vobis est omni excu-  
bare curâ debetis, Vos, quorum in Regna atque fortunas  
jam diu cum infinita Cupiditate mentem oculosque in-  
tendit Hispanus, Vos denique O patroni defensoresque  
Libertatis, Servitutis inimici atque hostes per Deum im-  
mortalem, per Patriam, per liberos, per parentes, per si  
quid vobis carum aut gratum esse vel potest vel debet oro  
atque obtestor, Respicite aliquando Remp. respicite sub-  
ditorum incolumitatem, respicite dignitatem vestram.  
Videris-ne quo pacto multos jam annos Hispanus regna-  
re cogitarit, quam propé, quod meditatus erat, effecerit,  
quantopere contra Britannos Belgasque pugnans Liberta-  
tem vitamque omnium vestram oppugnavit? Cur enim  
Belgicam; cur Britanniam præ ceteris delere contendit?  
quod eas sibi Regiones solas inimicas haberet? Toto, si  
creditis, erratis cælo. ad Regnum Ambitio, ad opulentiam  
anhelat Avaritia. verum illud erat, Quod salvâ Belgicâ,  
salvâ Britannia vos non posse permanere non incolumes  
videret, siquidem Belgæ atque Britanni hætenus iter adi-  
tumque ad vos corporibus suis obstruxerunt; superbissi-  
mæ Dominationi impedimenta objecerunt; crudelissi-  
mum, quod universæ Europæ imminerebat, exitium averte-  
terunt. Nam quod genus supplicii vobis, quod calamitatis  
recusandum fuisset? Vos spes atque metus anxios, inso-  
lentiâ armorum sollicitos, discordia impeditos habuisset:  
ille ab exercitu, a Classe paratus in fines vestros irruisset,  
diripuisset fortunas, cecidisset armatos, ceteros omnes in  
servitutem tradidisset Hispanis. Hæc igitur, quæ, parum  
aberat quin contingerent, si accidissent, quos fletus,  
quas



quas voces, quos ploratus audiremus! Nunc quotusquisque reperitur, qui illud periculum fuisse ullum putet? qui indignitate audaciæ se moveri ostendat? qui terrâ marique, equis, velis Hispano occurrat? Si quis membra morbus afflixit, in posterum diligenter cavemus: & Hispanum, qui non latus, non ventrem, sed caput, sed jugulum petit, jam furem & ictum reperere molientem feremus? Videlicet ut quidam stupore sensus dolorem non sentiunt, ita nos, nisi planè moriamur, nos ægrôtare nescimus. quod vereor, vereor (utinam Deus immortalis obruat & detestetur hoc omen) ne quando sed serò, sed illatâ letali plagâ, sed sanguine spirituque perfuso sentiamus. Neque enim, si, quod voluit, non perfecit, desperatione debilitatus desistet, non: sed irâ ardens ad ultionem, ad pœnam omnes & ingenii & totius Regni vires profundet. Nihil est, quod hoc eum vulnere efflasse animam putetis. alius est hostis Hispanus. ut cadat, vulnera, vulnera imponenda sunt. Quod nisi hoc tempore faciamus, amissam in posterum occasionem frustra requiremus. Nunc si, Principes vos præstare viros voletis, occumbet Hostis; vincetis vos: sin ignaviam præferre fortitudini placebit, vos vincemini; & is, quem jam pridem succubuisse oportebat, regnabit Hispanus. hoc ne fiat, opus est virtute, opus est viris, opus est armis. Quapropter, cùm vicinorum salus vestra salus, illorum perniciēs vestra perniciēs sit, unâ cum sociis, QVOD FELICITER EVENIAT, Deo adjuvante, sumite saga, edicite iustitiam, decernite bellum; ne quid Resp. detrimenti capiat, videte. cogit periculum, cogit illa, quæ timidos etiam fortes facit, Necessitas. Si quidem hæc vobis tria hoc rerum statu restant, præterea



nihil (nam servire & mori extrema sunt omnium) ut aut  
unusquisque vestrum contra vim se suosque defendat; Aut  
pacem otiumque agitet; Aut una cum ceteris vincat. At  
Libertatem disjuncti tueri non potestis: Tranquillis vobis  
esse non licebit. quid ergo superest? vno consensu est reti-  
nenda Libertas! Cur igitur effrenatam Hispani violen-  
tiam nisi conjunctis viribus refrenari, Cur pacem im-  
petrari posse negavi? quia Potentia, quia Avaritia, quia  
tranquillitatis inimica repugnat Ambitio. Quid enim ego  
de Potentia dicam, quæ Christianorum Principum, sive  
timore, sive favore sic magis magisque invaluit, ut illis ip-  
sis Hispaniæ Rex, a quibus per contemptum solet appellari  
Castellanus, terrori sit & exito futurus? Quid non Hispani-  
am, cujus aliquando vix partem tenebat, jam universam  
occupavit Castellanus? certe tota ipsius est imperio sub-  
jecta, immo verò pacata; pacata autem? quid si contra Li-  
bertatem omnium vestram instructa atque armata? Non  
Siciliam atque Sardiniam insulas ad terminos Tyranni-  
dis suæ proferendos commodissimas servitute tenet op-  
pressas Castellanus? Non pulcerrimam Neapolim illam  
totamque Campaniam sua capessere iussa coëgit? Non  
Mediolanum quasi firmissimam Itali Martis arcem obse-  
dit Castellanus? Lusitania verò quam lata est, quam fecun-  
da, quam portuosa! ut & varietate rerum earum, quæ ex-  
portantur, & magnitudine vectigalium, & quod maxi-  
mum est, maritimorum opportunitate locorum omni-  
bus perfacile terris antecellat. & hanc Regionem, Regio-  
nem dico: illos Portus, illas insulas, illa secundum mare  
Castella, quæ tua quondam Emmanuel, divina fortuna  
invenit, multus variusque labor obtinuit, perpetua dili-  
gentia



gentia custodivit, paucis, non dico, annis, sed mensibus immanis heluo devoravit. O gurgēs! O vorago! non implacata Scylla, non vorax Charybdis, non Oceanus mediusfidius universus, si terminos finisque suos evicisset, tot maris Sinus, tot tantisque Insulas, tamque diversas tam citò absorbere potuisset. Quas ille præterea Europæ Civitates, quos Sinus, quos Portus quàm multos tenet, quàm firmos? uti non modò omnem intra Oceanum terram, verum etiam ipsum coërcere Oceanum velle videatur. ne multa. Quam in cæli partem mentem oculosque convertes, quam ille Terror non pervasit? Orientem adspicis? tenet Hispanus. despicis Occidentem? tenet Hispanus. spectas Meridiem? tenet Hispanus. intueris Septentrionem? tenere conatur Hispanus. sed inepti sumus, qui partes unius Mundi numeremus: certè Mundos (quod per Hispanum dicere jam licet) Mundos nominemus. Quid? non & Veterem magnâ ex parte, & Novum hunc pæne universum in potestatem redegit suam? In quo, quàm verè se Hispanum gesserit, quid attinet a me explicari vobis, cum & ipsi hinc usque lacrymabiles audiat vocēs Indorum! sed, illud modò ut dicam, veritas ipsa mihi quasi manus injicit. homines æquitate innocentes, liberalitate benignos, obsequio supplices spoliavit fortunis: urbes, agros, domicilia vastavit; Regionem universam incolarum (gemo vicem illorum) incolarum madefecit cruore. Ita-ne Indi, non digna ferentes, mansuetudo vestra intolerabilem fastum superbiâque toleravit? vestra benignitas insatiabilem auri famem argentique saturavit? vester denique cruor inexplebilem sanguinis sitim explevit? Non altissimum illud, non latissimum mare interjectum, aut



immensas Avaritiæ fauces implevisse, aut flagrantis Ambitionis restinxisse incendium! Videte, quam Terram, ut ab armis tutam conservaret, ipsa tamdiu Natura occultarat, hanc Hispanus inventam (quis Ambitionem Avaritiâque non detestetur?) invasit, diripuit, devastavit. Laté quondam Persæ, laté Macedones, latiùs Romani, latissimé hætenus regnavit Hispanus. Magnam illi Orbis, sed tamen unius Orbis partem devicerunt: hunc veró Novum an imperio? an fama? an nomine tenerunt? Desine jam, Philippe, Asiæ, Africæ Dominator appellari: Amborum te appella, si ita vis, Horrorem Mundorum. &, quod obscuré dictum, *NEC SPE NEC METU*, præ te ferre consuesti, jam nunc licet altâ voce exclames. quid enim speres tu, qui propé sis omnia, quæ cupis, consecutus? quid timeas, qui neminem præ te potentem existimes? An veró Principes (quod mehercule magnum quiddam, atque adeo maximum est. nullum enim sine opibus bellum, permulta sine magnis gesta viribus fuerunt) an fugit vos, quântum ærario valeat, quos habeat stipendiarios, quos vectigales? Deus immortalis! quas ille é Campania, Sicilia, Insubria, ex Bética, ex Terraconensi Hispania, ceterisque locis exactiones, quâm gravia é Lusitania, superiori India, ex plurimis præterea Insulis vectigalia, quantos ex India illa, quæ numquam exhauriri videtur, thesauros exportavit! Verumtamen, dicas Incerta, fluxa, caduca esse omnia; Non fore diuturnam possessionem, in quam vi se ferroque induxerit. certé. cûm enim omnino homines naturâ Libertatis amantes sunt, tum illi tolerare Servitutem difficillimé possunt, qui dulcedinem degustare Libertatis potuerunt. Itaque sæpissimé

Pœni



Poeni, nonnumquam Græci, frequenter Galli, maximé veró Hispani (vellem hoc odium Servitutis omnibus inesse nobis putarent) gravissima cum populo Romano & periculosissima belle renovarunt. Ergo id accidit Romanis, Hispanis non continget? nec contigit, nec etiam dum contingit. An igitur prudentiores, an fortiores Romanis Hispani? Id veró non ausim confiteri. sed, Ne malé parta malé dilabantur, minús benignos, avariores se præbent. &, quod diffiteri nemo potest, *Hispani* ut ambitiosi naturâ sunt & avari, ita plerumque impigerrimi habentur: In consilio prudentes, in negotio celeres; contemnentes periculi, patientes laboris; in victoria superbi, in calamitate pertinaces: secundam fortunam magis sperant, quàm metuunt adversam: majori sibi molestiæ defidiosum otium esse quàm negotium laboriosum putant: numquam nec ipsi quiescunt, nec aliis quitem concedunt. eo deniq. ingenio sunt, ut imperium vehementer acquirant; acquisitum, quoquo modo possint, defendant. Hi populos etiam perinivitos in officio (quamquam isto quidem verbo abutor) in Servitute continere conantur; hi potentissimæ cuique civitati milites frenosque Libertati imponunt; hi nervos subditorum, ut corroborari non queant, gravissimorum exactione tributorum incidunt. Nam quæ civitas copiosa est, quam illi non aliquâ arce obsederunt? aut quam illi civitatem arce obsederunt, quæ copiosa non est? Ita Castella, quæ subsidia salutis esse consueverunt, nunc ut obsidia Libertatis collocantur. Numquid igitur belli interestini est? numquid tumultus? numquid dissidii? nihil. Etsi enim durum est miserumque servire, nihil tamen provinciales moliri audent illi, qui Hispanum non gravioribus



vioribus districtum bellis animadvertunt. timent autem,  
Si hoc tempore soli vincula Servitutis rumpere conentur,  
Ne derelicti a ceteris non adscensum ad Libertatem, sed  
durio rem ad exitium suum sibi parent, ruinam. Quam-  
vis enim servile jugum deicere jubet fortitudo, dissuadet  
tamen, nisi aliquâ spe recuperandę Libertatis oblatâ, pru-  
dentia. Mitto, mitto jam armatos bene multos: nume-  
rosus peditatus, equitatus bellicosissimus, ne ferocem  
quidem victorẽque in Belgis exercitum commemoro.  
quid verò? quos sibi socios, quã potentes, quã multos  
habeat, ignoratis? Adspicite Pontificem Romanum, qui  
jam non Gallis, non Italis, ut sæpe, sed Hispanis addictus  
Religionem non modò suam, verum etiam Philippi pro-  
movere Ambitionem contendit. Ille tamquam homi-  
num Deorũque Imperator arcem Capitolinam sibi se-  
dem delegit, ex qua universam & contemplatur & guber-  
nat Italiam: ille Principes alios a bello contra Hispanos  
fulmine prodigiũque deterret; alios ad societatem sceleris  
divinã quadam face sui numinis incendit: ille (ne quid te-  
ctẽ dicam, orationem retexo) cruentis consiliis armatam  
armat Tyrannidem; flagrantem inflammat Ambitionem:  
ille velut egens & improbus Lanista, ut luxuriam prædã,  
immanitatem cæde pascit, Hispanos robustissimos om-  
nium gladiatores cum ceteris Christianæ Reip. Dynastis  
crudelissimẽ committit. Itaque non sine causã Italia, quę  
perpetuis exercitata bellis, arma finitimis, cladem Hispa-  
nis, timorem omnibus inferre consuevit, tam pacata tam-  
que tranquilla, vel potiùs, si verum fateri fas est, ita percul-  
sa atque prostrata jacet. Cur enim ab se ipsa descivit? cur  
bella nulla gerit? Cur? Armorum causæ desunt? immo  
verò



veró supersunt. Quid igitur? Minas & fulmina Iovis & Hispani vires extimescit. videt a fronte Mediolanum, a tergo Campaniam, secundum ventrem Siciliam, in visceribus ipsis Pontificem Romanum, se veró tot tantisque propugnaculis circumfessam, ut ne brachia quidem movere possit, nisi utrumque latus Hispano gladiatori nudum præbere apertumque velit. Quid veró? Sabaudus: quid ille, qui secundum Pontificem familiam ducit, Guisus, num contemnendus videtur? Hic raptor hic est, qui tibi, beatissima quondam Gallia, nunc omnium (O variam flexibilemque fortunam!) calamitosissima, tot plagas, tam mortíferas, auctore Philippo, fautore Pontifice, inflixit; ut eadem illa tu, quæ nationes persæpe exteris terrore imperii cohibuisti, plurimis confecta vulneribus jam jam moritura videaris. & hæc Galliarum Rex ipse videt. videt? immo veró, sive spe ductus, sive metu coactus, connivet. Miseret me tui, O REX, (quamquam quo te nomine appellem nescio. Regem? at Guisus regnat: subditum? at nomen Regis obtines) miseret me tui, qui vastitatem Regionis, direptiones civitatum, incendia domorum, optimorum sanguinem civium spectes quotidie! ut quid? Ipse tandem aliquando servias, dominetur Hispanus. Cujus scelere? Illius, quem ipse aluisti, auxisti, armaisti. Non possum jam præterire silentio (moveret me quippe salus Germaniæ) alterum pæne Papam, inexpressibile illud facinus Bavarum: qui, ut Iovi Capitolino sacrificaret, adhuc sacra, nunc, ut Castellano Marti immolaret, etiam arma tractavit. In quo non tam illud demiror, qui vestem puram gessit, quoniam is ore sagum sumserit, quàm illud, qui arma tulit, quâ impietate ad rem divinam redire ausus fuerit.

F

nam



nam utrumque nescio quid inexprabile videtur. Et tu, qui  
é tanto bello & tam recenti cæde digressus es, deserta abs  
te sacra iterum attrectari non nefas, non scelus, non piaculum  
esse ducis? sed hoc tibi concedere facienti debemus,  
qui vivo te flumine totum abluisti. verumtamen, extra  
jocum, hastatus hic Sacerdos tranquillitatem Reipub. per  
turbare, fundamenta Imperii evertere, optimos quosque  
de statu deturbare conatur, immo veró vestrum, Proceres  
Germaniæ, Collegam (heu dedecus Germanorum!) præ  
stantissimum virtute virum, eaque re meliori sorte dignis  
simum in conspectu vestro, de dignitate, impune deturba  
vit. Ita-ne Pontifex Italiam, Sabaudus, Guisus Galliam,  
Germaniam Bavarus, Africam, Asiam, Europam, Orbem  
terrarum Hispanus & tot jam annos vexavit, & nisi viri si  
mus, crudelissimé vexabit? An hos ego, quos omnes inter  
se idem studium & tæterrimæ naturæ similitudo devinxit,  
non socios, non affines, non germanos appellem? O præ  
claram illam aptissimamque natam post homines natos  
societatem, sed Libertati, sed salutis nostræ perniciosam! ut  
enim ferociore belluæ summâ naturæ vi in bestias imbe  
cilliores feruntur, sic etiam hos adversus innocentes ani  
morum eadem atque morum immanitas arctissimé colli  
gavit. Prætermitto jam ceteros. sunt enim innumerabiles.  
duces modó exempli causâ nominavi: utinam omnes: ef  
fet periculum, sed apertum, eoque minús formidandum.  
nam adversum deprimere hostem fortissimus quisque nul  
lo negotio potest. verum intus intus est Equus Trojanus,  
qui vos, Principes, nisi vigilatis, nisi armis animisque excu  
batis, dormientes & imparatos invadet. Habet Hispanus  
emissarios in Regionibus vestris, exploratores in Republ.  
prodito-



proditores in Conciliis, qui muros vestrorum & fundamenta Regnorum perfodiunt, quó facilius ariete percussa collabantur. Nam si morbum jam latentem ignoratis (in quo cum re miseri estis, tum etiam hoc ipso, quód miseriam non videtis) si doloris nihil, nihil infirmitatis sentitis, at tumor ille, qui jam in corpore Regni incrudescit, occasionem & maturitatem nactus de improvís, vellem sine interitu vestro, sed quoquo modo fiet, non sine summo, nisi provideatis, periculo mortis erumpet. Conferte nunc, O Principes imbecillitatem cum potentia, inopiam cum opulentia, cum timore audaciam, cum dissensione concordiam, imperitiam cum prudentia, ignaviam cum vigilantia, Intelligetis profectó illis, qui per summum scelus vim & arma minitantur, exploratam imminere victoriam: vobis, qui summo jure illatam propulsare injuriam debetis, Servitutem impendere sempiternam. Ego ne igitur cuncta superesse Hispanis, vobis deesse? minimé. magna vis, magna potentia, magnum, si concordés sitis, Concordiæ numen. sed, posteaquam alii pugnant, alii modó spectant, fractos esse nervos virtutis dico. Quod cum ita sit, speratis vos, Principes, nisi uno consensu perinde ad arma eatís, quasi summa Resp. quæ agitur, agatur, pares hostibus futuros? Fallit opinio. nisi forté, quod fieri per ipsam rerum naturam nullo pacto potest, Bellicas virtutes omnes omnibus posse vitiis superari putatis. Nunc quod superest. vtrum vobis esse quietis per Philippum licebit? Id veró videamus. Ille igitur otiosos esse vos patiatur, qui naturâ, moribus, disciplinâ Hispanus est? qui Servitutem pacis, vastitatem quietis nomine appellat? qui Libidinem regnandi bellandi causam? qui maximum imperium maximam gloriam



putat? Ille tranquillitatem vobis ullam concedat? Non est, non est is, mihi credite, Philippus. nec, si esset, esse illum Avaritia, esse pateretur Ambitio. hæ duæ pestes calamitosum miserumque hominem neque noctu neque interdiu deserunt; discruciant semper; torquent acerrimè. Quid enim est aliud Ambitio, nisi scelerata & perniciofa imperandi Cupido, quæ, dum sola dominetur & regnet, non genus humanum, non arma mortalia, non ipsum ultorem injuræ Deum pertimescat. Et cetera quidem mala sensim, aut sponte suâ languescunt, aut vi minuuntur: hæc perniciēs, si quando serpere incēpit, nullo pacto deleri potest, nulla ratione exstingui. Non longitudine dierum deficit? plūsq̃ue præter naturam rerum aliarum invalescit. Non obsequio, non humanitate mitigatur? at veluti ignis arreptâ materiâ fovetur. Non supplicii, non poenæ metu deterretur? tamquam altissimus rapidissimūsq̃ue aggerem fluvius, vincula Legum judiciorūque perrumpit. Igitur coërceri non potest? certè, nisi fax illa primo quoque tempore tota obruatur, tantum derepente concitabit incendium, quod non civitas una, non Regio, non Orbis terrarum, non Oceanus ipse restinguat. Quod verò portentum pestilentius secundum Ambitionem excogitari potest Avaritiâ? quæ vorago nec inopiâ exstingui, nec impleri copiâ potest; quæ privatorum fortunas, civitates, Regionēs, quæ maria Terrasque omnes absorbet. Hæc sanguinem Ambitioni, hæc vires, hæc nervos, hæc alimenta præbet. concidat enim necesse est velut enectum fame cadaver, nisi prædis furtisq̃ue Avaritiæ pascatur Ambitio. Quare si nihil tam sanctè neque Deus ipse jussit, neque ratio præscripsit quod Libido dominandi violare non audeat, nihil



fit, nihil tam magnum nec ipsa procreavit natura, nec humana comparavit industria quod auferre prædandi Cupido non possit. Quis non intelligit his duabus quasi flammis florentissimas civitates, opulentissimas nationes ad interitum cineremque deflagrasse? Non utar exemplis alienis: mittam antiqua; præteribo remota: certè vel hac tempestate & quidem sæpe non sine dolore videmus facem, sentinam civitatis horum contagione malorum leviter adfectam omnes Reip. partes foedissimè labefactare. Quæ labes si jam imbecilla primùmque nata tantas vires in vilissimæ conditionis hominibus ostendit, Ecquid futurum putes, si jam robusta, si inveterata paullo potentior? quid si Principem? quid dico Principem? si magnum etiam Regem, Regem autem? immo verò potentissimum Orbis terræ Tyrannum, id est, Hispanum invasit? Nam ut mansuetudinem, ut liberalitatem, ut studium rerum suarum Belgis, sic Cupiditatem alienarum, sic Avaritiam, sic Arrogantiam naturâ Hispanis attributam quis non videt? Si flagitia, sic scelera, quæ exstabant sempiterna, tacerent, non incessus, non vultus, non aspectus, non os illud contumeliosum Ambitionem apertè, Fastumque indicare, & clamitare viderentur? Vestigia verò rapacissimarum manuum quàm multa, quàm expressa videmus! quam enim illi Regionem, quam civitatem, quod castellum, quas ædes accesserunt, quas non everfas planè & exterfas reliquerunt? agerem pluribus; exempla adferrem, nisi Europam, nisi Asiam, nisi Africam, nisi ambos denique Mundos miserabilem in modum lamentantes audirem. Et cum ea sit etiam infimorum natura Hispanorum, quid ego de Domino (nam quantò potentia major, tantò est



Avaritia Ambitióque robustior) quid de Philippo jam ip-  
so dicam? quem natura arrogantem, avarum, consuetudo  
arrogantior, avarior, potentia & diuturna felicitas  
arrogantissimum avarissimúmque fecerunt. O defixam  
altissimis radicibus Ambitionem! O inveteratam vetusta-  
te Avaritiam! Quid enim? quid est, per Deum immorta-  
lem, quod amplius de homine dici possit, cuius & præci-  
pitum & perniciosum & dominandi & rapiendi furorem  
natura conformavit, confirmavit voluntas, opportuna sce-  
leris fortuna corroboravit? Et quisquam ignorat, quem hæc  
faces exagitant, cum id agere, id furere, ut alii jaceant, ipse  
viget, serviant omnes, solus ipse regnet? Nolite dubitare:  
Res ipsa, quæ fallere non potest, voce patris suæ declarat.  
Et certé, non-ne Poloniam, Philippe, ausus fuisti (quid  
enim est quod tentare non ausit Ambitio?) non-ne Polo-  
niam voluisti, cum prodicione nequiores, armis invadere?  
Quid habes quo te defendas? elige utrum velis; Aut fuisse  
te auctorem illius consilii; Aut ne scivisse quidem. negas?  
at quo duce, qua spe, qua nixus ope tantum facinus moliri  
cœpit Austriacus? an suâ sponte, suo Marte? id veró sperare  
extrema dementia est. cuius ergo hortatu, cuius auxilio?  
profectó, Philippe, tuo. tu caput sceleris illius, tu archi-  
tectus consilii, tu machinator fuisti. Scio novum videri  
& incredibile, quod dico: vetus tamen est & verum. diu  
enim facinus hoc cogitavit: sed, quod cogitaret, patefa-  
ctum est nuper. id quod paullo post, ut probé videatis,  
planum faciam. An igitur te auctorem illius facti fateris?  
quâ ratione? quo jure? illo videlicet, quo Lusitaniam per-  
paucis anté annis brevissimo temporis spatio tuam fecisti:  
hoc est, in possessionem Poloniæ tuo more, tuo jure, vi,  
ferro,



ferro, flamma pedem ponere tentasti. Teneris-ne me-  
moriâ, Principes, quâmpie se, quâmpie sceleratè gesserit,  
cûm Sebastianus Lusitaniæ Rex, juvenis & spiritu animo-  
que Regio præditus, & meliori avunculo dignissimus in  
acie contra Mauros mortem fortissimè occubisset? Cer-  
tè hujus ille cladis, si non auctor fuit, cûm præter fidem,  
quam dederat, bonam militum partem subtraxisset, at  
fautor erat tum, cûm victoriam Mauroꝝ imperatori  
gratularetur. In quo equidem dijudicare non possum,  
utrum fuerit improbiꝝ, qui in calamitate, an magis im-  
pius, qui divicto cognato, an sceleratior qui inimico Chri-  
stiano nomini victore tantum præ se gaudium lætitiâ-  
que ferret. Sed non potuit homo sibi imperare, quin ve-  
hementissimè gauderet, cûm videret Maurum, qui de Se-  
bastiano triumphum agebat, id perfecisse, ut ipse brevi  
non de Rege, sed de Regione triumpharet. nec eum fe-  
fellit opinio. nactus enim occasionem, Sebastiano mor-  
tuo, quam, vivo, nullam habuisset, Lusitaniam de Rege  
deligendo consultantem, cûm litium calumniâ non pos-  
set, improvidam armis occupavit. Eodem profectò mo-  
do, sed dissimili omnino successu, Poloniam de Electione  
Regis dissidentem necopinatò est opprimere conatus.  
Quod quidem ipsum, quò facilius intelligatis, ne fortè au-  
novum esse, aut dubium putetis, rem ipsam paullo altius,  
sed quâmpotero paucissimis, repetam. Defuncto vitæ im-  
periòque Sigismundo II. Polonorum Rege, cûm dies Co-  
mitiorum de creando Rege incidisset, Hispanus Ernestum  
Maximiliani Cæsaris filium, hominem sibi rebûsq. suis de-  
ditissimum omni, quo poterat, studio promovebat. Itaque  
hic Ernestus suffragiis quorundâ erat omnia, nisi meliori

Proce-



Procerum pars refragata esset, consecuturus. Quamquam & ipse Selimus Turcarum imperator (cujus etiam si est detestanda immanitas, hac tamen in parte laudanda prudentia) summam Hispani pariter ut Ernesti spem, quo ad ejus fieri poterat, evertibat. veritus enim ne, si ad Poloniae Regnum Ernestus perveniret, Austriacorum & potissimum Philippi potentia etiam sibi, non tantum nobis, immineret, Pro sua adversus Regionem illam auctoritate, Henrico Galliarum tum Regis fratri insignia Regni deferri suadebat. Hanc igitur, non tam Ernestus, quam Hispanus repulsam passus non modo nihil de cupiditate sua remisit, verum etiam occasionem nactus vehementius multo, quam antea, amore Regni exarsit. Mortuo enim Carolo IX. Galliarum Rege, cum Henricus in Patriam se imperii suscipendi causam recepisset, iterum Comitibus habentur: conveniunt Candidati, comprimis autem ipse Caesar Maximilianus, qui, etsi ceteri summo opere contendebant, tamen & dignitate sua, & auctoritate Philippi unus inter omnes plurimum eminebat. quid multa? ita res Philippi studio incaluerat, ut Maximilianus nonnullos de Proceribus, quorum suffragiis jam Regnum propè obtinebat, a se haberet, sed tamen reliqui, quorum menti sententia melior, obsistebant acerrime, maximeque altera Selimo Turcarum imperator Amurates, qui Polonis bellum minabatur, si quem Austriacorum Regem designarent. idque non sine causa. timebat enim, ut etiam ante Selimus, ne intolerabilem Austriacorum potentiam adjecto Poloniae Regno augerent. Quo certe consilio nihil prudentius potuit utiliusque cogitari. praesertim cum & minuenda sit violentiorum Regum potentia,



rentia, numquam augenda. & nomine quidem Maximilianus, re autem vera Philippus Poloniæ Rex creatus fuisset. quo factum est, ut Stephano Battori summâ reliquorum voluntate sceptrum & corona deferretur. Tum verò Maximilianus tanto fuit dolore affectus, ut Germanos ad bellum (credo quò facilius exhausti clade Hispano servirent) contra Polonos & Turcas gerendum sollicitare non dubitaret. Philippus autem sapienter elusus se, quantum poterat, comprimebat. nec enim dubitabat, quin, si quando reditus ad Comititia daretur, ita competitorem aliquem subornaret, ut perfacile id, quod vellet, impetraret. At ecce, quod unum in votis unicé habebat, procedit. excessit é vita Battor? instat Comitiorum dies. Quid fit? accedit Maximilianus illius, quem modò dixi, Maximiliani filius, hujus Imperatoris frater. hic omnia, hortante maximé & adjuvante Philippo, experiri, non universorum vocem expectare, sed rogare, sed prensare singulos, quosdam donis & promissis corrumpere, nonnullos ab Hispano corruptos hortari cœpit; impedimenta, ne qua obstarent, omnia removit; Deum se fore, non Regem, magnam pecuniæ vim, Equestris dignitatis Ordinem Polonis apud Hispaniæ Regem pollicetur. &, ne singula, quæ plurima sunt, enumerem, hæc duo, quasi maximé animos hominum movere videbantur, videlicet, Summum Austriaeorum studium, maximéque Hispani perpetuum fore favorem ostendit: ne quid forté minas Amuratis aut irruptionem formident, Operam opémque Philippi & omnium Christianæ Reip. Principum contra Turcas Polonis se præstaturum promittit. id quod, si cetera neglexisset, perfacile præstare potuisset: quippe qui Regnum poten-

G

tissimum



tissimum adeptus, reliquos Christianæ Reip. Principes si non oppressisset, at certé ad societatem belli vel invitos compulisset. Ne quis autem ficta hæc, aut dicis causâ dicta putet, sententiam suam illius orationi adscribunt qui Maximiliano præstó sunt á Rege Legari: quorum vox non minus auctoritatis, quám si ex ore Philippi missa fuisset, habebat. Itaque pedarii quidam & nummarii senatores, quos non tam fama virtutis, quám pecuniæ fames movebat, pedibus ire in hanc sententiam, & Austriacum declarare Regem sine reliquorum consensu cœperunt. Quod ceteri, qui paullo longiús prospiciebant, animo periniquo ferentes, Suetorum Regis filium, quem Regno jam anté destinarant, unâ mente, unâ voce, more majorum Regem appellarunt. Quod quidem ipsum quam potissimum ob causam faciendum putarint, suspicari faciliús, quám explicare poterit is, qui rationem Selimi & Amuratidis prudentissimé explicatam æquo iudicii examine perpendet. Nunc scilicet expectatis, dum, quid Austriacus fecerit, exponam. Quid fecit? nihil, nisi quod & PHILIPPVS illi, si minús opportuné cecidisset, persuasit, & omnes terrare solent illi, qui tantúm se jure putant, quantúm armis possunt, valere. vi sibi viam munivit: collegit derepente, quas potuit, & instruxit copias; in Poloniam adduxit: caput Regionis Cracoviam obsedit. Atque hæc omnia citiús re ipsâ perfecta sunt, quám verbo dicta. ut anté feré, quod cupiebat, efficeret, quám quisquam id eum facturum suspicatus esset. Nec id mirum. nihil enim erat, quód diu deliberaret, ut qui evigilatum cogitatione Philippi consilium secum attulisset. Poloni autem, etsi tam importunę audaciæ insueti, non tamen armorum insolentes, certé



certé viri fuere; vim vi repulere; fudere exercitum; Ducem ipsum, ut captum, non ut Regem, acceperere. Nihil ut ipse amplificandi causâ loquar, Vos, Principes, id, quod res ipsa loquitur, interrogabo. non is Poloniæ Regnum affectavit, quem ad Principatum Ambitio, ad prædam Avaritia, ad violentiam Potentia hortabatur? non is, cujus conatum unus & item alter Turcarum Imperator perspexit, &, quantum in se fuit, omni ratione evertit? non is, qui non semel atque iterum, sed jam tertio, non is, qui non alienos, sed propinquos, non benevolos Polonis, sed sibi deditissimos tam ambitiosè promovit? non is qui Legatos misit, nonnullos ex Proceribus corripuit, suffragia emit? non is qui omnia Austriaci promissa se patraturum recepit? non is, qui, cum per cuniculos ad Regnum adrepere non posset, suavit Austriaco ut Polonis de manibus extorqueret? non is, qui Lusitaniam eodem scelere in ditionem Imperii sui redegit? non is denique amplissimi Regni Dominatum appetivit? at patet, aperta res est, nisi qui meridie lucere negat, dubitare nemo potest. Atque hæc omnia quis fecit? PHILIPPVS. quis auctor Austriaco fuit? PHILIPPVS. quis adiutor? PHILIPPVS quis ergo ad Poloniam adspiravit? nonne PHILIPPVS? Sit igitur hoc unum ambiciosissimi conatus documētum. ALTERVM illud, quod Divino munere nuper patefactum est, simul & repulsum, ne animos quidem vestros commovebit? O notam Ambitionis sempiternam! In Britanniam involasset, nisi Deus ipse, qui bonorum salutem in maximis periculis providere solet, tam injustum tamque audax facinus detestatus fuisset. nam si umquam Deum immortalem (ut idem, quod jam sæpius dixi, gratiæ & pietatis causâ repetam) ullâ in re præsentem fuisse nobis



accepimus, ita praesentiam ejus hoc tempore experti sumus, ut, si sub aspectum ullo modo caderet, non clariùs oculis nostris videre possemus. Ergo, ne plura exempla referam, quæ & nota vobis sunt, & propè infinita, hæcine movent, quæ vel ipsi proximè vidistis, hæcine vos tangunt? an quoniam perfecta res non est, ardentem regnandi Cupiditatem fuisse perspectam negatis? quasi verò si facultas defuit, defuerit etiam, quæ summa semper & est & fuit, voluntas. Fingite animis, quæ facta non sunt, ac si contigissent: tum denique, intelligetis, si Philippo, quod constituerat, perficere licuisset, non modò voluisse, verùm etiam valuisse extremam Tyrannidi manum admove- vere. Nam si aut Poloniam insidiis, aut Britanniam armis, aut, quæ spes illius erat, utramque subegisset, qui status Reipub. fuisset, quod præsidium salutis, quod Libertatis? Num Danus, Suecus, Scotus? num Gallus? num Belga? num Germanus madefactos Polonorum & Britannorum sanguine gladios à capite, à jugulo repressisset? Serò ad arma conclamatum esset: hostis haberet muros; raperet ferrètque omnia, tota a culmine labaret Europa. Horreo, Principes, quoties pestiferum illud exscidium, quod jam supra caput exsistebat, recordor. nihil ego dico: Vos ipsi, si quam salutis vestræ curam geratis, ipsi Vos, quid futurum fuisset, cogitate. non Scotos, non Danos ab omni parte pressos tenere, non a dextra Suecos, a sinistra Moscos, a tergo Germanos, a fronte etiam Turcas oppugnare, non Belgas, non Gallos gravissimâ belli clade infractos debellare potuisset? nemo nescit; nemo negat. O calamitosam Europam, quæ tam propinqua exitio tuo fuisti! Ofelicem eandem atque fortunatam, quæ salu-  
tem



tem vitamque tuam ex ipsis ereptam faucibus Ambitionis vidisti. Te Scotia, te Suecia, te Dania, quæ nescio quo modo contendere ipsas quasi maris habenas & remittere arbitratu tuo videris, turbulentissima Ambitionis tempestas obruisset. te, Germania, quæ tamquam vino & altissimo sepulta somno quiescis, excitasset tubarum armorumque horror, vel potius improvisi violentia Martis oppressisset. Tu, Belgica, gravissimos perpeffa belli labores exanimatam perpetuâ calamitate animam tuâ sponte efflares. tu, Gallia, quæ lacerata miseré atque vexata vix spiritum etiam nunc vitamque trahis, prostrata plané & conculcata indigné jaceres. tu Sarmatia, tu Moscovia, vos, Regionem universæ, quas alius quasi Orbis divisit, invisos Gauditanorum vultus videre, inauditas voces audire, inusitados perferre mores deberetis. Hoc cogitavit, hoc meditatatus fuit, hoc agitavit Philippus. atque istud si, quod pæne perfecerat, perfecisset, an ne Dominatum, quem animo semper tenuit, jam suâ veluti manu comprehensum teneret? Quamobrem, si qua adhuc caligo oculos vestros impedivit, discussa est; videtis unum omnium hostem Hispanum: Si videtis, capeffite Rempub. tuemini Patriam, defendite Libertatem, repellite Servitutem. hæc si virtus animusque suadet, unâ cum sociis ad arma, ad arma convolate. omne periculum in dissensione, in mora, salus atque victoria in concordia, in celeritate consistit. Nam quæ vos spes, quod solatium moratur? an, Quod brevi Tyrannidem sua sponte collapsuram putatis? certé, si id exploratum habetis, non repugno; in sententiam ire non recuso: sin minús, quid stultius quàm ignavâ & incertâ spe ad certissimum duci exitium? Fateor, id

G. 3,

quod



quod suprà dixi, non quidem ut Ignaviæ defensionem, sed  
dolori consolationem darem, TYRANNVM sua fata pro-  
spectare. Num igitur desiderare, omnia sperare, nihil age-  
re, nihil ipsi tentare debemus? immo opus est labore, opus  
est curâ maiore; ne, cûm Divina benevolentia nos undi-  
que circumstet, ipsi deesse nobis videamur. Non enim  
Deus otiosos sed laborantes, non timidos sed fortes, non  
negligentes, sed asperrima quæque agitantes victoriâ præ-  
mióque donabit. Sed facite Tyrannum poenas daturum;  
facite per brevi ad inferos decessurum; facite dissensionem  
de Principatu Tyrannidis orituram. quid tum postea?  
numquid solatii vobis continget? nihil, si quidem in præ-  
sentia servire, permultum, si imperare parati estis. Quid  
enim ad vos, vivat an moriatur, cadat an regnet Philippus,  
si modó vobis ea sit, quæ vitâ potior est forti viro, erepta  
Libertas. Sed si hoc tempore Servitutem spernere forti-  
térque defendere cogitatis, nihil est quod formidatis: tran-  
quilla semper Resp. & quieta permanebit. Quare si vobis  
animus est Libertatem tueri, uná cum sociis arma capite;  
hastam manu tenete: sin id facere horretis, certam perni-  
ciem, sed ignaviâ vestrá dignam, & infestum vobis iratúm-  
que Deum sperate. nam quód Hispanum aut vobis, aut  
vicinis, præsertim Belgis pacatum fore putatis, id veró fu-  
turum esse nego. Quoties enim res illa acta fuit? quid Bel-  
gæ non fecerunt, ut cum eo, quem nullâ re, ne verbo qui-  
dem violarent, in gratiam redirent? Principem semper ap-  
pellarunt; quantúm, & pæne plús quám fieri potuit per  
Libertatem Patriæ, dicto audientes fuerunt; miserunt de  
pace Legatos; maximos Christianæ Reip. Principes inter-  
cessores habuerunt: omnia, quæ ceteri non fecissent, tenta-  
runt.



runt. Num placare eum, qui justam iræ causam non habebat, potuerunt? quid si officium, vel potiùs obsequium nostrum superbissimè spreverit? Legatos partim rejecit, partim interfecit? Auctoritatem eorum, qui intercedebant, contempsit, repudiavit? Hæc quando acta sunt? tum, cum infirmior ille, fortiores nos, cum ille minùs ambitiosus, minùs avarus, nos perhumani, ut semper Belgæ, perque liberales essemus: tum denique, cum ille nos subditos habere, non servos deberet; & nos ipsum, ut Regem, coleremus, non odissemus, ut Tyrannum. Si igitur tum placari non potuit, nunc poterit? Cur? quòd Principem Aurantium Defensorem, Patronum, Patrem Patriæ appellavimus? Philippum Hostem, Inimicum, Proditorem Libertatis judicavimus? quod illum honore sumus atque favore, istum justissimo odio persecuti? quòd illius memoriàm celebramus, istius nomen detestamur? O Pacem! O spem! O rem miseram atque deploratam! Attamen interdum est Pacis facta mentio. Qua de causa? nos ut liberi essemus? Cur non accepimus? ut celerius serviremus? Cur nomen Pacis prætendimus? Pax est tranquilla Libertas, Servitus omni bello, omni clade pejor. Quem igitur ad finem Parmensis (quem ego ut imperatorem non imprudentem laudo, ut perniciem pestemque Libertatis detestor) mentionem de Pace fecit? ut quorum constantiam violentiâ belli non potuit, eorum virtutem debilitaret mentione Pacis. sperabat enim Belgas multis magnisque cladibus non virtute hostium, sed perfidiâ suorum affectos, Ex adversa belli fortuna ad discordiam, ex discordia ad timorem, ex timore ad desperationem salutis, ex desperatione salutis ad turpissimam spem Pacis, ex spe Pacis ad pactionem Servitutis, id est,



id est, extremum malorum omnium, HAC ADVENTANTE CLASSE, deventuros. En quæ Pax, quæ Salus, quæ Libertas esse posset major? Sed fuerit tum spes quædam, quæ nulla fuit: nunc an ulla erit, an ulla esse poterit? dementes sumus, si speramus; si optamus, imprudentes. Quid enim? si iratior, si acerbior, si infensior non Regnum, non fortunas, non libertatem, sed cædem, sed sanguinem, sed interitum concupiscat, etiamne compositionem futuram putatis? Altiùs, mihi credite, vulnus ambitiosissimo pectori Classis illa, illa Classis inflixit: quæ licet oculos & conspectum deseruerit, non deferet mentem Philippi; inclusa medullis hærebit; semper vindictam, semper ultionem, semper pœnam clamabit: ut, si & Leges, & Libertatem, & fortunas projicere (quod Belgis indignum) parati essemus, ne satis quidem ipsius iudicio susciperemus supplicii, nisi nos metipsos ad mortem velle- mus crudelissimis tradere parricidis. Hæc quoniam intoleranda sunt viris, maximèque Belgis, prædico, antè denuncio numquam Philippo cum Belgis, Pacem, numquam Belgis cum Philippo futuram. In hac desperata spe Pacis quæ vobis, Principes, cum Hispano intercedet concordia? immo verò dicatis, quæ discordia? Nam si aliquando nos socios belli adversus Turcam habere voluit eâ modò lege, uti summum penes se imperium esse pateremur, jam ut liberè vivamus, non concedet? præclarè. istud enim sæpe jam audiui. Nunc demum, opinor, quod persuadere non potui, ipsi vos cernetis, Hispanum non modò etiam-num, verùm etiam tum affectasse Orbis- terræ Principatum. Attendite paulisper, & vobis dignam cogitationem suscipite. Cur societatem belli vobiscum  
facere



facere voluit? nempe, ut Aut Christianæ Reip. Libertatem a metu tutam præstaret; Aut hac via tamquam maximè compendiaria ad meditarum sibi diu Dominatum perveniret. bene se res habet. jactum est fundamentum rationis meæ. At ille de salute vestra laboravit qui perniciem vestram vehementiùs quàm interitum Turcarum ipsum concupivit? Cur bellum illud interrupit? cur inducias cum hoste fecit? Honestas suadebat? at prohibebat. quod enim bellum justius, quod honestius? Cogebat necessitas? at victoriam retulerat. quid autem necesse est facere victori? Illud erat, Restincto Turciæ incendio, funestam belli facem in Europam transferre statuebat. Hic igitur utrum vos, cum de bello contra Turcas gerendo ageret, ad incolumitatem vestram in tuto collocandam, an ad Dominationem sibi pariendam incitavit? Illud egit, illud meditatus est, illud ab initio cogitavit: primùm, ut vestro labore, vestra virtute Tyrannum Asiæ debellaret: deinde, ut Imperator, arbitrato suo, quod sibi visum fuisset, cuique assignaret: tum, ut potentissimus, vestris vos armis trucidaret: ad extremum, ut victor omnium, non de Europa tantùm, sed de universo terrarum Orbe triumpharet. Num illum tantâ multitudine armatorum stipatum Turca repellere, num quis sociorum huic Leoni portionem de præda ullam detrahere, num quis ferociam ipsius atque violentiam comprimere potuisset? Quid ergo de Principatu Orbis abfuisset? nihil, nisi labore vestro atque periculo acquisitus, nisi perornatus spoliis exuviisque vestris & Asiaticorum Gazâ triumphus. Hoc consilium Philippi, hic finis, hac societas fuisset. Itaque vos ego miseros atque adeo miserrimos omnium mortales esse judico, qui ma-

H

ximorum



ximorum spe præmiorum adducti, exitium vobis ipsi æ-  
ternum paratis. Tu, Pontifex, qui cælum terramque  
miscet, Leonem esse, quem pascis, ignoras? qui voti com-  
pos sui Romanæ Lupæ catulos discerpet? Vos Sabaudi,  
vos Guisii, quó ruitis insani? non sentitis Tyranni ad-  
ministratos esse calamitosos, Philippi calamitosissimos?  
horribile est, invisum Deo hominibusque Tyrannum ad-  
juvare. est enim illud commune fatum omnium Tyran-  
norum, ut non modó ipsi, verum etiam illi, quibus utun-  
tur ministris, iræ Divinæ & justo bonorum dolori durissi-  
mas seclerum pœnas expendant: horribilius autem illum  
adjuvare, qui exsilium & egestatem præmia benemerito-  
rum, mortem naturæ finem, cruciamenta pœnam esse ar-  
bitratur. Tu, Bavare, nullum furandi finem facies? profecto  
sacilegam istam, quam deglutisti, pecuniam evomere te-  
sitiens auri Hispanus jubebit. Tu, Parma, nisi maturè pru-  
dentia clypeum obvertas tuæ, hærebis. an virtutem fortu-  
namque alienam formidolosam esse Tyrannis ignoras?  
Cæca furore Ambitio, immemor meritorum Avaritia,  
quos plurimum diligere deberet, pessimè odisse incipiet,  
tum, cum plurimis eorum vigiliis atque laboribus Domi-  
natum suum firmarit. Hæc fides, hæc præmia sunt, hæc pro-  
missa Tyrannorum. Quamobrem Vos, O Principes Or-  
bis Christiani, fortissimi viri, appello, Quousque tandem  
indignam vicinorum cædem spectatis? cur justum necessa-  
riumque bellum non suscipitis? cur communem perni-  
ciem, commune periculum communi auxilio atque vir-  
tute non propellitis? Nihil ne salus subditorum, quæ com-  
missa vobis est, nihil Libertas, nihil Patria vos, nihil finiti-  
morum oppressio movebit? non idem ignis, non eadem  
flamma



flamma vos vicinósque vestros incendit? Si proxim i vicini  
ædes flagrare cœ perunt, accurrimus subitô, omnes advoca-  
mus, perinde, quasi res nostra agatur, laboramus: & hoc  
perniciosissimum Ambitionis incendium, quod non unū  
aliquem angulum, sed universam inflammavit Europam,  
non omni vi atque conatu restinguemus? una nobis om-  
nibus salus est, una Libertas, unum periculum, unus hostis,  
quem si a fortunis jugulísque nostris refrenare velimus, ca-  
piamus animos tanto conatu dignos, arma sumamus; una  
cum vicinis in pulverem, in dimicationem prodeamus.  
Nec est, quod infirmum, quod inermē, imperitum esse ho-  
stem putemus: cum infestissimo potentissimóq; Hispania-  
rum Tyranno est nobis omne certamen. Qui non Orien-  
te, non Occidente, non utrâq; Hispania, non Lusitania, non  
Sardinia, non Sicilia, non Campania, non Insubria conten-  
tus, avarissimos in fortunas nostras oculos animúmque defi-  
xit; qui, ut omnes belli vires in nos unos converteret, Tur-  
cam indutiis, Regiones omnes quas aut vi, aut dolo sube-  
git, incredibili vigilantia perpácavit; qui exercitu, pecuniâ  
opibúsq; instructus miserrimū Europæ interitum minatur!  
Et cū hostem tam potentem, tam acrem, tam vigilantē  
habeamus, quæ malū, est illa sive socordia, sive timor, ut  
reconditos vaginâ gladios, obsita rûbigine arma, hebētes  
iacere mucronēs patiamur? perinde quasi de Belgarum  
dumtaxat, aut Britannorum, aut Gallorum, addo etiā  
Polonorum non potiūs de salute totiūs Europæ decerraret  
Hispanus. Quod si ita est, si tantū illud agitur, utrum  
vicini Libertatem tueantur, an serviant, non opem, Princi-  
pes, vestram, non auxilium rogant: Vos fruimini tranqui-  
litate vestra. illi per se, aut vincent, aut toties ab Hispano



petitas subjicient securi cervices. Quamquam, si quid animi in vobis, si quid virtutis inesset, vos & insignis Hispani injuria, indigna vicinorum clades moveret. Sin hoc ipso contra illos bello salutem omnium Vestram, ut cum maxime, oppugnat, quæ vos ignavia, quæ perniciofa mora retardat? Majores vestri, si quid sociis acciderat, non secus ac si ipsis contigisset, ad arma persepe ierunt. itaque diu Romanis restiterunt; multis magnisque proeliis vicerunt; vix tandem aliquando victi fuerunt. Nos, viri fortes, pro Deo immortalis, ubi est ille mos virtusque majorum? modo hos, modo illos debellari vicinos videmus, num saga sumere, num oppressis subvenire, num bellum gerere tentamus? Speramus scilicet Pacem; malumus inani spe diem ex die ducere, quam, ne sociorum exitio spes salutis nostræ excludatur, satis tempore providere. Et numquam futura Pax est? certe, nisi quæ victoriâ & armis pariat, nulla. quid ita? Philippus avarus est, ambitiosus est, Tyrannus est. At prius unda flammis, prius aëri terra, prius omnia omnibus, quam Libertati Ambitio, quam Paci Avaritia, quam Virtuti Tyrannis, his ille furiis agitarus, tantum abest, ut pacari possit, numquam furere desistet, nisi aut ipse ruat in exitium, quod Deus Numine firmet, aut salutem Orbis terræ exstinguat. Docet hoc depopulata Nova India, docet expugnata Lusitania, docet repentino armorum terrore obstupefacta Polonia, percussa maxime Classis adventu Britannia: quid multa? Patria, pro dolor, nostra Belgica, & miserrime labefactata Gallia exclamat. Quamquam quid ego Galliam nomino? quæ non modo veterem colorem & speciem, sed ne succum quidem & sanguinem retinuit. ubi ubi est illa quondam Gallia, ubi prisca  
Liber-



Libertas, ubi ingens gloria Gallorum? tu, quæ florens magna Orbis parti præsedisti, sed præsedisti, nunc omni & ornamento dignitatis, & præsidio salutis, non possum diutius, includit vocem mæror, spoliata jaces. Ecquonam ex fonte hoc tantum malorum mare profluxit? non ex Avaritia, ex Ambitione promanavit? Itaque si Pacem speratis, tollite Ambitionem, tollite Avaritiam: sin hæ radices, nisi unâ truncus eruatur, evelli non queunt, nolite, quæso, quod evenire non potest, expectare potius quàm, quod fieri fas est, cum sociis apparare bellum. Nam si quod bellum justum, pium sit atq. honestum, quod æquius, quod gloriosius, quod superis hominibûsque acceptius, quàm hoc nostrum, quod pro Libertate Patriæ suscipitur, in quo vi vis illata defenditur? Si necessitas Barbaros, feras natura ipsa movet, ut alacriter se, latibula, ferumque tueantur, quantò magis ratio homines, virtus ipsa viros monebit, ut Patriam, se liberòsque suos contra vim atque injuriam strenuè fortiterque defendant? Nos aras, focos, nos jura, leges, Libertatem, nos mœnia, muros, nos Patriam contra injuriam atque audaciam, contra perfidiam & impietatem, contra superbiam avaritiâque defendimus. Id laborat, id molitur, id pugnat Philippus, ut Remp. evertat, æquum, fas omne deleat, divina. atque humana jura pervertat, alios in Servitutem abripiat, alios crudelissimè trucidet, fortunas nostras partim dissipet, partim egentissimis distribuat homicidis. Ille igitur libidinosus, impius, facinorosus sceleratum, injustum, execratum, non modesti, pii, honesti justum, plenum pietatis, plenum laudis, necessarium denique bellum gerimus. ut, si quis Deus vitia pœnis, virtutes præmiis compensat, dubium non sit, quin &



ille, uná laborantibus nobis, celerimá exitio factis illis  
suis dignissimo afficiatur; & nos debitá virtuti & pietati  
nostræ tranquillâ Libertate perfruiamur. Itaque laudo, lau-  
do vos, PRINCIPES, Belgarum, qui bellum tam pium  
támque necessarium tam constanter & geritis & gessistis;  
Hostem Reip. PHILIPPVM, quoniam Principem ha-  
bere non licebat, unâ mente iudicastis. nam fieri quo pa-  
cto potest, ut non summo jure contra illum armá sumpta  
sint, qui, priusquam id factum sit, Patriæ, Libertati, Natu-  
ræ denique impium nefariúmque bellum indixit? Te, ma-  
gnanime PRINCEPS, te, PATER PATRIÆ, laudo, qui  
hâc eâdem necessitate coactus, cû Regem summé sem-  
per coluisses, Patriam tibi cariorem esse & sanctiorem  
ostendisti; immemor illius, memor officii, memor pieta-  
tis, memor virtutis tuæ, defensor Patriæ, propugnator Li-  
bertatis, patronus Religionis fuisti tu quidquid tibi ca-  
rum siue natura, siue fortuna donavit, patrimonium am-  
plissimum, sanguinem fraternum, quo nobis redempta  
LIBERTAS, corpus denique tuum pro patria constanter  
obtulisti. O Lux, O Spes, O Virtus Belgarum. Sed com-  
primam ego me, ne commemoratione præstantissimi viri  
(nam quo modo non optimus ille, quem per summum  
scelus interfecit Philippus?) dolorem ipse scindam. Vos,  
Belgæ, hanc retinete virtutem, quam ille vobis ut heredita-  
tem, ut effigiem sui, ut se ipsum reliquit. Non enim splen-  
dor dignitatis, non nomen Principis, sed illa, quæ sibi quis-  
que effingere potest, vigilantia, consilium, perseverantia,  
odium Tyrannidis, amor Libertatis, pecuniæ, voluptatis,  
doloris, mortis contemptus tot tantâsque res, tam pulcras,  
tam salutes, tam gloriosas gesserunt. Quare hæc ample-  
Ai, hæc



Et, hæc imitari debemus. Te, REGINA, vósque BRITANNI, laudo: qui, cum antea, tum etiam nunc Hispani scelere in apertum prolato, ad tuendam Patriæ incolumitatem, curam, laborem periculūque Belgarum vestro labore, vestro periculo, vestra cura adjuvatis. Nec id mirum. quis enim vos hostis oppugnat? ille videlicet, quē Galgacus ille Caledonius, vester, sive civis, sive popularis, vir certē fortissimus planissimē descripsit. hunc severus ille & prudens Historiæ scriptor in Romanos ita loquentem induxit: *Raptores Orbis, postquam cuncta vastantibus defuere terræ, & mare scrutantur. Quid si maria perscrutati omnia non quieverunt? quid si alterum Mundum invenerunt? quid si novos quotidie Mundos inquirunt? O plumbeos etiam tum stultosque Romanos, qui Gades Naturæ terminos esse crediderunt. Ecce extremi omnium Gaditani latiore multo, quam ea, quæ Romanis nota, nedum subacta fuit, terram invaserunt. Quid porro? Si locuples hostis est, avari; si pauper, ambitiosi. Pulcrè: nihil habeo, quod detraham; unum dumtaxat, quod addam. Hi sunt non tantum inegentes superbi, verum etiam crudeles. cum Avaritiam prædā non possunt, immanitatem cædibus pascunt. quos non Oriens, non Occidens satiaverit. Quid verius? quid certius? quid clarius? Atque utinam Oriente & Occidente, utinam Meridie contenti nefarias manus ab ipso, qui Tyrannis formidini fuit, Septentrione abstinere. ex quo videris nihil esse, neque tam arduum, neque terribile, quod Avaritia & Ambitio tentare non aulit. soli omnium opes atque inopiam pari affectu concupiscunt: auferre, trucidare, rapere falsis nominibus Imperium, Quid? non ita se habet? non & ipsi vidimus millies, & videmus*



videmus quotidie, ubi rationem armorum invenire nullam possint, id agere Hispanos, ut honestatis vel turpitudinem, integumento juris vim iniuriamque regant? Num, ut Regiones innumerabiles præteream, cur Lusitaniam oppresserunt? cur Poloniam Britanniamque opprimere voluerunt? Num causas habuerunt ullas? veras profecto nullas: num falsas? etiam, sexcentas. *atque ubi solitudinem faciunt, Pacem appellant.* Digna vel Apolline ipso sententia. omitto enim Siciliam, omitto Hispaniam utramque, omitto plurimas Regiones atque Provincias, quas, cum fortissimo quoque cive orbatas reliquissent, pacatas appellarunt. quid! non una tantummodo India testis satis gravis & locuples, quam isti (quis non jure ingemiscat) non modo cultoribus, verum ipsis etiam visceribus, auro atque argento avarissime privarunt? Quare iterum vos laudo, BRITANNI, non eo solum quod Hosti tam importuno tamque nefario vos esse inimicos ostenditis, verum etiam quod pristinam Caledoniorum virtutem imitati prudentiam majorem adhibetis. Illi si orientem belli flammam uno conatu restinxissent, numquam vicinorum conflagrassent incendio. Verum, ut ad vos revertar, PRINCIPES, Quousque tandem, O viri fortes, dominantem videre & crudelem timere Tyrannum decrevistis? quem ad finem pulcerrimæ vindicandi Libertatem occasione in dormire statuistis? quamdiu & vires vestras, & incredibilem vincendi opportunitatem ignoratis? Etenim si Cælestis illa & Divina vis ullo se tempore declaravit, profecto hodierno die potestatem vobis fecisse videtur eligendi, utrum hac tempestate gloriosè vincere, An ignominiosè in posterum servire malitis. Hec utrum negligenda occasio, quò



sio, quó celerius serviamus? O calamitosos! O Libertate,  
luce indignos! O desidiosos mortales! Non-ne omnia ex-  
periri, non-ne extrema pati, non-ne emori per virtutem,  
quám per summum dedecus more pecudum ad lanienam  
trahi, præstat? Anigitur, ut liberé vivamus in posterum,  
arripienda? Quid ergo? quid inertes moramur? cur dubi-  
tantes desidemus? quin oblatam Divinitus fortunam am-  
plexamur? pugnat Belgica; in armis etiam nunc est Gallia;  
tendit dextram Britannia; Terror ille Classis defævit.  
Hæc autem nos omnia spectamus, audimus; &, quí debi-  
litatam confringere potentiam, repulsam propellere au-  
daciam, pressam opprimere Tyrannidem, laborantes ad-  
juvare socios possimus, non cogitamus? ita-ne recenti vi-  
ctoriâ frui quám uti malumus, ita-ne sociorum salutem  
nostram esse salutem nescimus; Fuit, fuit illa quondam  
fortissimorum virorum consuetudo, ut finitimis Tyran-  
nide pressis succurrerent, bellum decernerent; commune  
periculû conjunctis viribus propellerent: ne, dum singuli  
pugnantes vincerentur, universi perirent. O pulcrum pru-  
dénsq. factum. Concordia armat inermes; Discordia spo-  
liat armatos: illa debilitatos confirmat; hæc confirmatos  
debilitat: illa confringit adversarios; hæc stabilis inimicos.  
Discordia denique opes egestati, vires infirmitati, LIBER-  
TATEM Servituti submittit: Concordia paupertate opu-  
lentiam, imbecillitate potentiam, virtute vincit auda-  
ciam. Hac virtute contemti persæpe abjectique hostes  
florentes populos inclytosque Reges devicerunt; hac Ro-  
mani primû universam Italiam, deinde Africam, A-  
siam, ipsamque Europam sibi subjecerunt: contrâ, qui  
ceteroqui viribus invicti videbantur, solâ dissensione fracti



conciderunt. sic olim Hispani, cum interitum suorum  
spectare, quam avertere malebant, iussa Romanorum,  
& ea, quæ viris indigna sunt, pati debuerunt. Et hoc, quo-  
tiscunque Hispanorum nomen audimus, non memi-  
nimus, aut, si meminimus, ne quando nobis idem ac-  
cidat, prospicere nolumus? Vigilemus, Principes; unâ  
mente pugnemus; & si res ita fert, moriamur: ne, ut olim  
Hispani Romanis, ita nos servire cogamur Hispanis. Fuit  
in Romanis, cum violentia abesset, virtus quædam; fuit  
fides, gravitas; fuit etiam illa, quæ turpitudinem Servi-  
tutis minuit, majestas. itaque sive quod aliorum fatum  
erat servire, sive quod ipsorum imperare, potentissimos  
Reges in ditionem imperii sui redegerunt. In Hispanis  
verò quid invenias nisi crudelitatem, nisi perfidiam, in-  
humanitatem, fastum, avaritiam, impudentiam, omnem  
denique improbitatem. ut si aperta res non esset, mores  
ipsi & natura clamarent, in unam modò Hispaniam con-  
fluxisse omnes & Gothorum Alanorumque sordes & fæ-  
cem Maurorum, & immanissimorum colluviem Barba-  
rorum. Et nos, quorum est res propria Libertas, servia-  
mus illis, quos nemo ne in servos quidem suos imperio  
dignos putet? Rejiciendum est omni conatu hoc jugum  
Servitutis nefarium: aut, si id facere non possumus, quæ  
forti viro Servitute potior, optanda mors est. Sed nihil  
nobis deest, nisi voluntas: sunt arma, sunt viri, sunt opes,  
si pugnare certum est, magnæ; si servire decretum, ni-  
miæ: nam quod inopiam, quod paupertatem prætendi-  
mus, fallimur, ne dicam, mentimur. accusamus paupertate-  
tem foris, opulentiam domi ostentamus. id quod ipse ho-  
stis, nisi providemus, cum spoliis se nostris ornabit osten-  
det.



det. Atque utinam nobis opes aut nullæ forent, aut, quæ sunt, iis uti potius, quam abuti vellemus; & civem suum Patria, & hostis hostem sentiret. sed perdit nonnullos, quæ, si opes abessent, nulla foret, Voluptas. nam qui sibi divitias habet, sectatur voluptatem: qui voluptatem amat, is odit dolorem; timet hostem; horret periculum. hæc qui facit, turpem Servitutem præfert honestæ morti. Si vos igitur viros probare contenditis, exuite socordiam; omni curâ, vigiliâ, consilio afflictæ Libertati subvenite. adspirabit voluntati fortuna; Deus ipse virtuti favebit. nec enim hæcenus sceleratos hostes adjuvit, sed ignaviam multorum desidiâque punivit. Omnis calamitas, omnis clades nostro peccato accepta fuit, non virtute hostium illata. odit Deus improbos, odit superbos; diligit modestos & in extrema necessitate constitutos, modo ne sint improbi, modo ne ignavi. Quare si virtute vestrâ uti decrevistis, eni adest, adest illa, quam sæpe jam optamus, quam optimus quisque vel morte redimat, LIBERTAS. Obstupescet confessionem hostis; sentiet vires & nervos Concordiæ: & is, qui hæcenus ut victor per universam volitavit Europam, ad Gades usque suas ignominiosè recurret. Alius nunc status est, alia rerum facies, atque tum erat, cûm Classis illa in cervices totius Europæ immineret; cûm omnia plena timoris essent, plena fugæ, plena trepidationis. Omnes hodierno die mortales, qui adhuc metu mortis Servitutē tulerunt, receperunt animû recuperandæ Libertatis: occasionē sibi deesse non putant: duces modò desiderant: Vos, Principes, intuentur; vos expectunt: vos, si præire vultis, imitari volunt. Si igitur vobis ea cura est hoc tempore, is animus, poteritis hoc studio, hac volûtate, hoc ardore plurimarum



gentium non modó vestram, verúm etiam totius Europæ Remp. omni periculo in perpetuum liberare. sin pristinam vultis ignaviam tueri, omnia infesta, Deum vobis ipsum adversum, audaciorém multó quám antea & ferociorem hostem, miserrimum denique exitium, sed securitate vestra dignissimum, exspectate. Fervor ille multorum populorum morâ refrigerat, spes infringitur, fortium virorum virtus debilitatur: afflicta Tyranni violentia in dies singulos convalescit. Hanc occasionem, O PRINCIPES invicti, hæc studia plurimorum mortalium ne ad nihilum recidere patiamini, per Deum immortalem caveate. Nam quanta vobis necessitudo impendeat, non videtis? Agitur salus, Libertas Populi; agitur dignitas, auctoritas vestra; agitur vita parentum, pudicitia liberum atque conjugum: omnia quæ cuique grata, accepta sunt, aguntur. Quis enim hæc omnia oppugnat? Ille, qui Indiam pæne totam, magnam Africæ, magnam Asiæ, multó maximam Europæ partem divicit: ille, qui Iovem Capitolinum, furentem Guisium, insidiatorem Sabaudum, rapacem Bavarum Tyrannidis habet administratos: Ille, qui irâ ardens, luctu amissæ Classis æstuans, præsentem omnibus mortem intentat: Ille, cui nulla res; nullus ludus jucundior, quám sanguis, quám cædes, quám strages bonorum: Ille, qui naturâ avarus est, qui ambitiosus, & ut uno verbo cuncta comprehendam, HISPANVS. Quamobrem, PRINCIPES, quid agendum? An speranda Pax, An Servitus accipienda? non ita. Pacem pactione parere non possumus; Servitutem accipere non debemus. Ergo, quod ratio suadet, periculum jubet, necessitas cogit, vires omnes jungemus, ut Aut gloriósè vincamus, Aut honestè



neſtē moriamur. Nam fortibus quidem viris ſervire neſas.  
nihil enim pejus dedecore; nihil ſœdus Servitute, & cū  
omnis eſt ſœda Servitus, tum etiam hoſti ſervire ſœdus,  
Hiſpano ſervire miſerrimum omnium atque ſœdiſſi-  
mum. novimus Violentiam, novimus Superbiam, novi-  
mus Avaritiam. omnia turpia ſunt, indigna ſunt, non fe-  
renda viris. Ergo, moriendum. moriamur. quid enim  
jucundius, quā ſi pro PATRIA contra TYRANNVM  
extremum vitæ ſpiritum cum honore, cum laude pro-  
fundamus? Si mors neceſſitatem habeat Fati, parum hor-  
remus: cū oppeti cum gloria poſſit, mori recuſamus?  
quamquam neutrum, Nec Servire, Nec mori neceſſe eſt.  
ſi concordēs laborare, ſi arma capere, ſi dimicare vole-  
mus, proſectō & ſpe jam animiſque vicimus; & re, Deo ad-  
juvante, QVOD RATVM FIXVMQVE SIT, primo  
quoque tempore vincemus.

FINIS.



AD  
MVNDI REGES  
LIBERTATIS AMA-  
TORES.

**N**OMINE Pontificis prädatur, Numine Maurus:  
Non Mauro cordi est Relligio? Regio.  
Raptori, Reges, cur non occurritis Orbis?  
Verum Roma potens oscula nulla daret.  
Temnite Pompificem Lenonem, temnite Romam:  
Nescitis quam sit Roma sinister amor?  
Grata viris virgo LIBERTAS: quâ ardet Iberus.  
Quis, quaso, est hostis nunc tibi Liber? IBER.

P. Liberius.



